庫全書

子部

欽定四庫全書

雲笈七鐵卷一百十三至

子部

詳校官監察御史 即庭湖 檢討臣何思釣覆勘

總校官庶古七日倉聖脉 校對官中書臣金光佛 腾绿监生臣沈 腾録監生臣黄廷壁 恕

言語の問題的 THE PROPERTY OF 石臣父子理亂忠孝 況史書了 /迹則 張君房 無所拘 撰

矣史記言三神山在海中仙人居金銀官闕不死之樂 勵拘制之意也大哉神仙之事靈異罕測述云初之 者十洲間動有仙家數十萬耕植芝田課計頃畝如種 多往海上諸山積功已髙便為仙官甲者猶為仙民何 也干變萬化混跡人間或藏山林或遊城市其飛昇者 生其上人有欲往者則風引舟而去終莫能到斯亦激 稻馬是有仙官分理仙民及人問仙凡也其隱化者如 **鍊氣拘謹法度孜孜辛勤恐失於纖微及其成**

銀定四庫全書

卷一百十三

てこりえ ニー 傳惜哉他時寂無遺聲今故編録其事分為三卷蜇資 而書於贖又以國史不書事散於野别當中和兵火之 仙信非虚矣汾生而慕道常媽積習及長遊歷官途周 蟬蛇留皮換骨鍊氣養形質於嚴洞然後飛昇成於真 溧水縣令兼監察御史賜緋魚袋沈汾撰 後墳籍猶闕詎有秉筆記而述作者處世斯久人漸稀 遊寰宇凡接高尚所説或覽傳記兼復聞見皆銘於心 好事君子學道之人譚柄用顯真山者哉朝請郎前行 雲笈七籤

彭片四库全書 笫善畫飲酒三斗不醉守真養氣即雪不寒入水不濡 **玄貞子姓張名志和會稽山陰人也博學能文進士雅** 養衣斜風細雨不須歸真卿與陸鴻漸徐士衡李成矩 之詞曰西塞山邊白鳥飛桃花流水鱖魚肥青箬笠緑 天下山水皆所遊覽魯公顏真仰與之友善真卿為湖 共唱和二十五首遞相誇賞而志和命丹青剪素寫景 州刺史與門客會飲乃唱和為漁父詞其首唱即志和 玄眞子

次足四年人至野 一 藍采和不知何許人也常衣破藍衫六錢黑木腰帶 夾詞須叟成五本花木禽魚山水景像竒絕蹤跡今古 屬然佐觀者莫不驚異尋於水上為手以謝真卿上昇 其席來去遲速如剌舟聲復有雲鶴隨覆其上真卿親 無倫馬填卿與諸賓客傳読歎伏不已其後真卿東遊 而去今猶有傳寶其畫在人間者 平望驛志和酒酣為水戲布席於水上獨坐飲酌嘯詠 藍米和 雪发七籤

雪中氣出如蒸每行歌於城市乞索持大拍板長三尺 餘常醉踏歌老少皆隨看之機捷諧謔人問應聲答之 波長景明輝在空際金銀宮闕髙差我歌詞多率嗣而 返今人紛紛來更多朝騎鸞鳳到碧落暮見桑田生白 世界能幾何紅顏一春樹流年一擲梭古人混混去不 作皆神仙意人莫之測但以錢與之繩穿拖行或散失 笑皆絕倒似狂非狂行則振鞋踏歌云踏踏謌藍采和 三寸餘 脚著靴 脚跌行夏則衫内加絮冬則卧於 卷一百十三 えかから した 道常登山嶺採黃精服餌歷十餘年一日就溪濯蔬見 靴衫腰帶拍板冉冉而去其靴衫等旋亦失亡 真語嚴嚴之西有陶山在馬 勤苦事於至真深慕山嚴即陶隱居修真語於此亦為勤苦事於至真深熱山 朱孺子永嘉安固人也幼而師道士王玄真居大箬巖 於酒樓上乘醉有雲鶴笙簫聲忽然輕舉於雲中擲 為兒童時見者及斑白見之顏狀如故後踏歌濠梁間 亦不迴顧或見貧人即與之或與酒家周遊天下人有 朱孺子 雲笈七籤

犬堅若石洗學歸以養之而孺子益新看火三日晝夜 真舒之遂與孺子俱往何之復見二大戲躍逼之又 岸側二小花犬孺子異之乃尋逐入枸杞叢下歸告玄 多为四周分書 枸杞下方真與孺子共尋掘乃得二枸杞根形狀如花 後餌其根盡不知其年壽亦隱於嚴之西陶山有採補 取食之俄項孺子忽飛昇在前拳上元真為異久之孺 不離竈側試當汁味取喫不已及見根爛以告玄真共)謝別玄真昇雲而去到今俗呼其拳為童子拳玄真 卷一百

歡洽俄患惡瘡徧身王老乃求醫藥看療益加勤切而 老與妻俱迎禮之居月餘間日與王老玄談盃酌甚相 者時或見之 瘡日甚迨將逾年道士曰此不煩以凡藥相療但得數 **徳為意其妻亦同心不倦** 王老坊州宜君縣人也居于村野頗好道愛容務行陰 酒浸之自愈於是王老為精潔釀酒及熟道士言以 王老 重変し成 日有繼縷道士造其門

酒五斛餘及窺三二斗在兩清冷香美異於常酒時方 謂王老曰此酒可飲能令人飛昇上天王老信之初寶 樹全家人物難犬一時飛去空中猶聞打麥聲數 王老曰願隨師所適於是祥風忽起綵雲如蒸屋舎草 與二人持麥次遂共飲皆大醉道士亦飲云上天去否 俱黑而顏後少年肌若凝胎王老闔家視之驚異道十 大甕盛酒吾自加藥浸之遂脱衣入甕三日方出懸髻 **教惟猫鼠棄而不去風定其賃持麥二人乃**

遺在別村樹下後亦不食皆得長年今宜君縣西三十 里有昇仙鄉存馬 倭道華

道俗凡庶悉為擔水汲湯濯足浣衣又淘溷灌園辛苦 登危歷險人所難及處皆到又為事賤劣有客來不問 道士皆輕易之而道華能斤谷觀含有所損悉自修算 侯道華自言義眉山來泊於河中永樂觀若風狂人衆

人でいる かよう

備歷以資於聚衆益賤之驅叱甚於僕隸而道華愈忻

雲笈七籤

然又常好子史手不釋卷一覽必誦之於口衆或問之 殿梁上或有神光人每見之相傳云開元年中有劉 中鑿起木得一 師當鍊丹成試犬犬死而人不敢服藏之於殿梁皆謂 安言忽暴風雨殿微損道華乃登梁復見光於梁上 下其合吞丹記遽無變動謂之虚誑忽一日入市醉歸 《此何為荅曰上天無愚懼仙人衆咸笑之經十餘年 合三重內有小金合子有丹遂吞之擲

久己日野日時 觀見所松深訝之衆具白於縣官於是責辱之道華亦 昇處衆人以為風狂怒之且甚適永樂縣令至其公人 甚為心永樂縣官吏道俗奔馳瞻禮其責辱道華縣官 來相迎但望空拜不已衆猶未信須更人言見觀前松 悉斫去松枝犀道士屢止之不可但斫曰他日礙我上 叩頭流血道華祸手以謝道俗云我受玉皇詔授仙臺 上有雲鶴盤旋笙簫響亮道華忽飛在松頂坐久之衆 忻然後七日道華晨起沐浴裝飾焚香曰我當有仙使 雲笈七籤

狀若風狂路人多隨看之又時復以拳入鼻及出拳 馬湘字自然杭州鹽官人也世為縣之小吏而湘獨好 隱隱凌雲而去 郎知上清宫善信院今去矣俄項雲中仙果作樂幡幢 あいてにたとう 項王相召飲酒大醉方返溪濱觀者如雲酒氣猶衝 經史攻文學乃隨道士天下過遊後歸江南湘嘗醉於 湖州隨雲溪經日而出衣不濕坐於水上而言曰適為 馬自然 卷一百十三 てこうう シャ 請見小桁乃於席上以冤器盛土種瓜須更引蔓生花 結實取食家實皆稱香美異於常瓜又於遍身及養上 風馬牛不相及也然植留之郡齊益敬之或飲會次植 兄弟龔師道術可乎湘曰相公何望曰扶風湘戲曰相 湘名乃邀相見迎禮甚異之植問道兄幸同宗姓欲為 橋令斷復續後遊常州遇馬植相出任常州刺史素聞 如故又指溪水令逆流食項指柳樹隨溪水走來去指 公扶風馬湘則馬風牛但且相知無徴同姓意言與植 雲変七流

多好四店全書 前皆叩頭謝罪遂作隊莫知其數出城門去自此城內 來走就符下俯伏湘乃呼鼠有一大者近指前湘曰汝 湘書一符令人帖於南壁下以節擊盤長嘯鼠成庫而 以慈憫為心未能殺汝宜便率衆離此大鼠乃迎奉鼠 毛蟲微物天與粒食何得穿穴屋字晝夜撓於相公且 摸錢所出不知多少擲之皆青銅錢攝投井中呼之 便絕鼠後南遊越州經洞嚴禪院僧三數百人方齊而 飛出人有以取者項復失之又植言此城中鼠極多 卷一百十三

奉致貽責怒三數百僧到今下牀不得某二僧是主事 且不坐所以得來固乞捨之相惟睡而不對知微延 入乃二僧見湘但禮拜哀鳴口禪僧不識道者昨失迎 諸暨縣南店中約去禪院七十餘里深夜聞尋道士聲 促知微延叟速食而起僧齋未畢及出門又促速行到 王人遽應此有三人問者極喜請於主人願見道士及 行僧見相知微到踞而食略無揖者但資以飯相不食 湘與婺州永康縣牧馬嚴道士王知微弟子王延叟同) : .

上大大大大

笑曰我非訟者也作小戲爾於是延叟棒紙筆相畫 筆知微言求來見阻試無訟理況在道門能宜施之湘 但笑之僧愈哀乞湘起曰此後無以輕慢人為意迎去 不已其主人見道士戲笑求來致此慮復為他們即來 下再三湘又畫一獨子走赶捉白鹭舊共踐其來碎盡 白鹭舊以水噴之飛入菜畦中啄菜其主人赶起又飛 方春見一家好菘菜求之不得仍聞惡言命延叟取紙 入門僧輩當能下牀僧迴果如其言相翌日又南行時

20 a. 10 ... 21 1. 1. 1. 1. 照見大驚異湘曰梁上猶能壁上何難而入壁久之不 能含宿爭會壁睡湘口爾但俗旅中睡我坐可到明架 出主人祈謝移時請知微延叟入家內淨處方出及旦 **昏睡而湘躍身梁上一脚掛梁倒睡適主人夜起燭火** 宿處道士能壁上睡即相容已逼日暮知微延叟日祗 長溪縣界夜投旅店宿舍小而行旅已多王人戲言無 走投入相懷中視菜如故悉無所損又南遊霍桐山入 哀求相曰非求乞菜也故相戲爾於是呼屬及獨皆飛 雲笈七籤

多定四年全書 傍自霍桐迴永康縣東天寶觀駐泊觀前有大枯松 指之曰此松已三千年餘即化為石自後果化為石忽 主人留連忽失所在知微延叟前行數里尋求已在路 **仔馬或有告疾者湘無樂但以竹杖打病處腹內及身** 風雷震石倒山側作數截楊發自廣州節度責授發 九松院各萬六七尺徑三尺餘其石松皮鱗級今猶 刺史發性尚奇異知之乃從两截就都齊致之龍與 百病以竹杖指之口吹杖頭如雷鳴便愈有患腰 百十二

とこうこここう 秦皇謾作驅山計滄海茫注轉更深後歸故鄉省兄適 萬里山川換古今風動水光吞遠崎雨添嵐魚沒髙林 展時有以財帛與湘阻讓不免留之復散與貧人所遊 惟愛東園爾嫂異之曰小叔久離家歸來兄猶未見面 兄遠出嫂姪喜歸湘告曰我與兄共此宅今歸要分我 脚曲持柱杖而來者亦以杖打之令放柱杖應手便伸 行之處或官觀巖洞多題詩句其登杭州秦望山詩曰 初分何處尋空留悉數變人心九天日月移朝夕 雲笈七節

多好四庫全書 託化於我以絕思望耳乃棺險之其夕棺賴然有聲 官人也新羽化於浙西今又為王皇所記於此上昇以 家驚異乃葬於東園時大中十年也明年東川奏剱州 具以實對兄感慟乃日弟學道多年非歸要分宅是歸 不食但飲酒而待兄不歸及夜遽卒明日兄歸問妻子 梓桐縣道士馬自然白日上昇湘於東川謂人曰我鹽 何言分地骨肉之情必不忍如此駐留三日嫂姪訝之 /遂勃浙西道杭州覆之 卷一百十三

欠足り巨とよう 鄔通微不知何許人也為道士神氣清寒静默虚夷或 而己 許確自稱高陽人也少為進士累舉不第晚學道於王 止後於酒樓乘醉飛昇而去 吟或醉多遊於洪州名山見之多年或十數年不見則 **顔狀益少於當時如此識者不測其服煉丹藥遊行定** 許碏 鄔通微 雲笈七籤

金グでたろう 屋山周遊五嶽名山洞府後從峨嵋山經兩京復自荆 襄汴宋抵江淮茅山天台四明仙都委羽武夷霍桐羅 詳偃月子也後多遊廬山當醉吟曰閬苑花前是醉鄉 自我眉尋偃月子到此觀筆蹤者莫不歎其神異竟莫 浮無不過歷到處皆於懸崖峭壁人不及處題云許碏 謫人皆笑之以為風狂後當春景挿花滿頭把花作舞 治以丹 翻王母九霞觞奉仙拍手嫌輕薄滴向人問作 狂好事者詰之曰我天仙也方在崑崙就宴失儀見

葺居懷退逸之趣手植奇花異果極多常焚香靜坐岩 服氣煉形自以為樂博學強記屬文清麗美姿容舉動 金可記新羅人也實貢進士性沉静好道不尚華侈或 言談逈有中華之風俄擢第不仕隱於終南山子午谷 酒樓醉歌昇雲而去 金可記

とこりき シート

海而去復來衣道服却入終南務行陰德人有所求無

雪夏七覧

有念思又誦道徳及諸仙經不輟後三年思歸本國航

藥金絲又遣中使二人專看待然可記獨房靜室宫女 昇時宣宗頗以為異遣中使徵入內固解不就又求見 言臣奉王皇韶為英文臺侍郎明年二月十五日當上 但見仙官仙女各坐龍鳳之上儼然相對獲有侍衛非 中使多不接近每夜聞室內常有人談笑聲中使竊窺 玉皇部解以為別仙所掌不留人間遂賜官女四人香 阻者精勤為事人不可偕也大中十一年十二月上表 少而宫女中使不敢輕為二月十五日春景好媚花卉

多好四届全書

卷一百十二

ここり ライントラ 端美肥白言談秀麗人見皆愛之頗有道析夏則衣綿 宋立白不知何許人也為道士身長七尺餘眉目如畫 不疑又指燈即減指人若際風所吹飕飕然指庭問花 幢滿空迎之昇天而去朝列士廣觀者填溢山谷莫不 冬則單衣即於雪中去身一丈餘周匝氣出如蒸而雪 瞻禮歎異馬 爛熳果有五雲唳鶴翔鸞白鵠笙簫金石羽蓋瓊輪 宋玄白 野変七籤 十四

草殿殿而動多遊名山自茅山出潤州希玄觀入括蒼 置二三美妾行則捨之人皆以為得補腦還元之術又 作蒜氣味如異香終日在齒舌問香不歌得食之者頗 飲酒二斗用一白梅人有求得其一片蒜食之者言不 洞辟穀服氣或時食風內五斤以蒜鲞一盆撮喫畢即 遊越州適大旱方暴虺紫龍以祈雨涉旬亢陽愈甚玄 多而畢身無病壽皆八九十玄白到處住則以金帛求 白見之以為凡所祈雨須候天命非上奏無以致之乃

多为四月石書

卷一百十三

ていう シー 撫 貯婦女復釘城隍神此妖類也將加責辱使健步單欲 復到信州又逢天旱祈禱有道士知玄白能致雨州 於所止觀焚香上祝經夕大雲雨告足越人大神異之 謂應隣曰使君干 忤 劉根欲誅罰祖稱即德隣方懼 向之手脚皆不能動透自仆倒枷杖亦自摧折女白笑 乃請之遽作街飛釘釘城隍神雙目刺史章德隣怪其 州南城縣白日上昇而去 謝須臾雨足禮而遣之其靈術屢施不可備録後於 雲笈七籤 十五

多定匹库全書 禮驚數不己乃為詩曰子晉鸞飛古洛川金桃再熟智 古常焚修精勤年少人亦不知其甲子然道俗相傳見 之多年矣皆不甚為其一日雲鶴滿空聲樂清亮自旨 賀自真莫究其所來也為道士居萬山有文學為事高 郎仙三清樂奏萬丘下五色雲屯御苑前朱頂舞翻迎 忽飛昇而去時有處士陳陶在東都見洛城人觀望瞻 賀白真 歌對駐香斬誰能白晝相悲泣太極光隆發 卷一百十三

萬年 奢慕前事登其山結庵以居後觀中道士相率山下居 道術精思忘疲年三十餘便居處州松陽縣安和觀其 酆去奢衢州龍丘人也家住於九峯山下少入道遊學 人為構屋及造堂殿設老居張天師像及葉靜能填影 - 餘丈相傳云漢張天師及葉靜能皆居此山修道去 即葉静能故鄉學道之所而觀北五里有卯山高五 酆去奢 聖文とな

去奢謝神人曰此石天設非人力可加自惟荒謬守真 欽定匹庫全書 張天師有斬邪劒二口并瓶貯丹在此石下可以取之 朝夕焚修朝禮山東南有一方石潤二丈餘平若砥蓋 天然也去奢常坐其上拱點静想一旦感神人謂之曰 送於去奢剱乃張天師七星剱丹以石匣藏之 己託兹山棲獲安久蒙聖佑丹之與勉詎可賴取神 日但勤修無息劒丹自可立致後三年神人乃以劒 傾藥有斗餘如麻子紅色光明去看自服及施 一百十三

神色嚴然類狀紅白愈於來時造驚異乃却送去奢歸 方炎暑一月日不與之水造謂去看已斃矣及開室見 有疾皆愈時麗水縣人華造因中和年荒亂之後權土 爾後居山十五年餘每言常見龍虎異鳥行於庭際安 山剱丹留之一夜風雷飛鳴失所去奢聞剱却歸石下 去奢并剱丹到州奪其剱丹而囚鎖去奢於空室中時 以刺史而造玄險聞去奢神與劒丹乃以兵圍其山取 人據嚴險浙東連帥具以上聞朝廷議欲息兵乃授造

環明聲或見有戴速遊冠絲服螺髻垂髮碧綃衣男女 於側而道士皆不敢驚但處敬而已一日去舍告道士 姥神鬼甚 聚或到此相見咸有禮馬又寄宿道士夜聞 蛇所螫去奢又言每雷雨只在山半常見雲龍雷公電 四人對坐侍從皆玉童玉女光明照身復有神人遠立 去倉所居靜室若與人談話竊窺之惟聞果香滿室及 不食多年或人穢觸其山春冬則猛獸來驚秋夏則毒 和觀道士多寓山頂燒奏見龍虎鳥跡咸驚異之去奢

欽定四庫全書

ファンコーラ ノートラ 道鍊氣養形求度世之術洞曉天文推步精究醫樂審 莊老百家之說周宣帝時以王室多事隱於太白山學 察聲色常縊仁慈凡所舉動務行陰德濟物為功偶出 樂滿空徘徊山頂後有軒與幡幢靈官駕龍鹿皆五色 孫思邈京兆華原人也七歲就學日誦千言及長好談 亦騎鸞鳳迎去奢昇天而去山下道俗觀望者甚象 曰恐當離此山去不長相見也後數日有絲雲鸞鵠聲 孫思邈

救思邈聞之不以為意少年復拜思邀請以別馬載之 路行見牧牛童子殺小蛇已傷出血思邈求其童脱衣 少年僕馬甚北下馬拜思邈謝以言曰小弟蒙道者所 贖而教之以樂封裹放於草內復月餘出行見一白衣 遣兒子相迎前者小兒獨出忽為愚人所傷賴脫衣贖 偕行如飛到一城郭花木正春景色和媚門庭煥赫 物繁雜儼若王者之居少年延思邈入見一人端正美貌 袷帽絳衣侍從甚衆欣喜相接謝思邈曰深思道者故

多分四月石書

卷一百十三

日山居樂道思真鍊神目雖有窺心固無欲乃以輕稍 宴思邀辭以辟穀服氣惟飲酒爾留連三日問其欲對 色害思邈省記當救青蛇即訝此何所也又見左右皆 者祭幸足矣俄項延入若官屬內見中年女子領一青 左右曰此涇陽水府也王者乃命實察設酒饌妓樂以 **閹人宫妓呼給帽君王呼女子為妃后心異之潜問於** 衣小兒出再三拜謝思邈曰此兒癡騃為入傷損賴救 雲笈七籤

救獲全其命此中血屬非少共感再生之恩令得面道

とこり見いま

九

珠金贈行思邈堅辭不受曰道者不以此為意耶何以 當有聖人出吾方助之以濟生人至唐太宗時召請京 文帝輔政徵為國子博士不就當謂人曰過此五十年 **異歷試諸方皆若神效後著千金方三十卷散龍官方** 可以濟世牧人俄復命僕馬送先生歸山既歸深自為 相報乃命其子取龍宫樂方三十首與先生曰此真方 在其内又以聲色診人之疾著脉經一卷大行於世隋 訝其容貌甚少曰故知有道者誠可尊重美門之徒

金万口屋台重

卷一百十三

醫愈疾其道如何對曰吾聞善言天者必質於人善言 豈虚言哉將授以爵位固辭不受高宗初拜諫議大夫 フ・ラー・シュー 常數也人有四肢五藏一覺一寐呼吸吐納動而為往 染惡疾嗟禀受之不同昧退天之殊致問於思邈曰名! 復固辭時年九十餘視聽不衰范陽盧照隣有時名而 來流而為榮衛彰而為氣色發而為音聲此人之常數 和而為雨怒而為風凝而為霜雪張而為虹蜺天地之 人者必本於天夫天有四時五行寒暑迭代其轉運也 雲笈七籤

生熱否則生寒結而為疣贅陷而為癰疽奔而為喘息 亦如之故五緯盈縮星辰失度日月錯行彗字流飛此 竭而為焦枯診發乎面變動乎形推此以及天地則 此天地之疣贅也山崩地陷此天地之癰疽也奔風暴 也陽用其精陰用其形天人之所同也及其失也蒸則 枯也良醫尊之以藥石救之以針劑聖人和之以道德 天地之疾疹也寒暑不時此天地之蒸否也石立土湧 此天地之喘乏也雨澤不時川源涸竭此天地之焦

彭定匹库全書

卷一百十三

授承務部致之尚樂局不就永徽三年二月十五日晨 膽欲大而心欲小智欲圓而行欲方詩曰如臨深淵 輔之以人事故人有可愈之疾天地有可銷之災又曰 隱於洞府修錬將昇無何之鄉臣於金闕不能應召往 利迴不為義疾行之方也見機而作不俟終日智之圓 優薄水謂小心也 赳赳武夫公侯干城謂大膽也不為 起沐浴儼其衣冠端拱而坐謂子孫曰我為世人所逼 也其文學也顏出其道術也不可勝紀高宗立無何制

欠己日見公島

雲笈七篇

Ŧ

來俄而氣絕遺命簿葬不設盟器推牢之真月餘顏色 徴之不起則天召之出山作死於如女廟前時方炎暑 耆老云為兒童時已見之自言數百歲矣唐太宗 高宗 張果隱於恒州條山往來汾晉問時人傳有長生祕術 須臾臰爛生蟲於是則天信其死矣後有人於恒州山 不變舉屍入棺如空衣馬已尸解矣 復見之開元二十三年明皇韶通事舎人裴晤馳驛 張果 卷一百十三

賢院安置局與入官備加禮敬公卿皆往拜謁問以方 婚通事舎人盧爾玄實聖書迎果果隨婚到東京於集 也又云堯時為侍中善於胎息累日不食時進美酒及 有一弟子可飲十升明皇聞之喜令召之俄頃一小道 外之事皆說對每云余是堯時丙子年人時人莫能測 於恒州迎之果對晤氣絕而死晤乃焚香宣天子求道 三黃丸明皇留之內殿賜之酒辭以小臣飲不過二升 之意俄項漸蘓晤不敢逼馳還奏之乃命中書舎人徐 宝笈七選

多定匹库全書 言辭清奏禮貌臻備明皇命坐果曰弟子常侍立於側 賢院中益也累試仙術不可窮紀乃下詔曰恒州張果 更賜過度必有所失致龍顏一笑爾明皇又逼賜之酒 士自殿簷飛下年可十六七美姿容吉趣雅澹謁見上 視之失道士矣但金榼在地覆之榼貯一斗驗之乃集 忽從頂湧出冠子撲落地化為益明皇及嬪御皆驚笑 不可賜坐明皇愈喜賜酒飲及一斗不醉果辭曰不可 先生遊方之外者也跡先高尚心入宵冥是混光塵應 卷一百十三

んこりりとき 宗極今則将行朝禮爰升罷命可銀青光禄大夫號通 召城闕莫知甲子之數且謂義皇上人問以道極盡會 許宣平新安象人也唇宗景雲年中隱於城陽山南塢 但空棺而己 天寶初明皇又遣微韶果聞之示卒弟子葬之後發之 女先生果累陳老病乞歸恒州賜絹三百疋隨從弟子 人給驛肩昇到恒州弟子一人放迴一人相隨入山 許宣平 雲笈七籤 ÷

結庵以居不知其服餌但見不食顏若四十許人輕 莫問我穿雲入翠微通來三十餘年或施人危急或救 壠上谷鳥戲嚴前樂矣不知老都总甲子年好事者多 每醉行騰騰以歸吟曰貧薪朝出賣沽酒日西歸時 誦其詩有抵長安者於驛路洛陽同華間傳舍是處題 行疾奔馬時或負薪以賣薪擔常掛一花瓢及曲竹杖 三十載築室南山巓静夜散明月閒朝飲碧泉樵人 疾苦城市之人多訪之不見但覽庵壁題詩云隱居

欠己の日上上 尋討著移菴不免更深居其庵後為野火燒之莫知宣 平蹤跡後百餘載至咸通十二年郡人許明恕家有婢 杖空躊躇應化遼天鶴歸當千載餘宣平歸庵見壁詩 又吟曰一池荷葉衣無盡兩畝黃精食有餘又被人來 來訪仙人居烟嶺迷髙跡雲林隔太虛窺庭但蕭索倚 涉溪登山累訪之不得乃題詩於庵壁曰我吟傳舎詩 此仙人詩也話之於人得宣平之實白於是遊及新安 之天寶中李白自翰林出東遊經傳舍覽詩吟之嘆曰

當逐伴入山採樵一日獨於南山中見一人坐石上方 起分に居る言 食桃甚大問婢曰汝許明恕家人也婢曰是其人曰我 **婢歸覺擔樵輕健到家具言入山逢祖翁宣平云明恕** 年無由尋訪宣平謂婢曰汝歸為我向明恕道我在此 即明恕之祖宣平也婢言曰常聞家内說祖翁得仙多 嗔姆将上祖之名牽呼取杖打之其,婢隨杖身起不知 此桃婢乃食之甚美頃之而盡遣婢隨樵人歸家言之 山中與汝一 一桃食之不得将出山内虎狼甚多山神惜

大きり ランシュラ 歎光景甚促筋骸漸衰朝馳暮止但自勞苦浮祭世官 何益於己古賢皆隆官以求道多得度世幸畢婚嫁 中性鄉道街逢道士即師資之煉丹服氣靡不勤切每 拍頗行於世兒童婦女悉誦之進士推第歷臺省為即 劉商彭城人也家於長安好學強記攻文有胡笳十 如風遂入昇林木而去 所之後有人入山內逢見婢童顏輕健身衣樹皮行疾 劉商 雪笈七籤

愈喜復挈上酒樓劇談歡醉出一小樂囊贈商并戲吟 金好四周石書 所談自秦漢歷代事皆如目視商頗驚異即師敬之復 中見商目之甚相異乃罷樂攜手登樓以酒為歡道士 為俗界豈为於許遠遊哉是以託病免官入道遊及廣 曰無事到楊州相携上酒樓藥囊為贈別千載更何求 不見商益訝之翌日又於街市訪之道士仍賣藥見商 言神仙道術不可得也及暮商歸僑止道士下樓閃然 陵於城街逢一道士賣藥聚翫頗衆人言多有靈效衆 卷一百十三

劉賭借小字宜哥瞻兄也賭家貧好道常有道士經其 隱於山中近樵者猶見之曰我劉郎中也莫知所止蓋 與張公洞當春之時愛養畫溪之景乃入胡父渚革居 之頓覺神爽不饑身輕飄然過江遊茅山久之復往宜 視重重紙裏一葫蘆得九粒樂如麻子依道士口訣吞 商記詞得囊幕乃別去後商尋之不復見也商乃開囊 已為地仙矣 劉賭

大三日日 公本

雲发七籤

莱

居見賭異之問知道否曰知然睹性饒俗氣業應未淨 金分四看石章 道士入羅浮山時與瞻俱讀書時山栖求道無巾裹禁 第則逸於山野爾得第則勞於塵俗竟不及於鄙也然 遽可強學道士曰能相師乎楷曰何敢於是師事之隨 慎於富贵四十年當有驗曰神仙遐遠難求秦皇漢武 角布衣事道士甚專而瞻性慕紫達賭調瞻曰鄙必不 非不區區也廊廟咫尺易致馬周張嘉貞可以繼踵矣 白後賭愈精思於道乃隱於羅浮山瞻進士登科屢歴

大子」り一日という 復修之不睹曰弟身邀祭罷職和陰陽用心動静能無 损乎自非茅家阿兄已昇天仙詎能救爾今惟來相別 已幡然衰朽為逐臣悲喜不勝睹復勉之與爾為兄弟 狀具以對瞻驚歎乃迎而見之睹顏貌可二十來許瞻 欲見瞻左右皆訝乃語之但言宜哥來也以白瞻問形 手足所痛暴日之言今四十年矣瞻益感嘆謂睹曰可 泊舟江濱忽有鬃角布衣少年衝暴雨而來衣獲不濕 清顯及昇輔相頗著燮調之稱俄謫南行次廣州潮臺 雲笈七篇 主

羅萬象不知何許人有文學明天文洞精於易節操竒 非來相救也於是同舟行別話平生隔潤一夕失時所 金石正屋人 常餌黃精服氣數十年或出遊曾城泉山布水下採 此朱明洞天昔葛稚川曾栖此以煉丹今雖無鄧嶽相 特惟布衣遊行天下居王屋山久之後遊羅浮山歎曰 **留聊自駐泊爾於是愛石樓之景乃於山下結庵以居** 在今羅浮山中時有見者瞻乃南行殁於貶所矣 羅萬象 卷一百十

Complex Ton Comp 召睿宗問陰陽祈數之事承禎對曰老君經云損之又 及入福廣城市賣樂飲酒來往無足或一食則十數人 則天累記之不起唇宗深尚道教屢加尊異承禎方赴 司馬承禎字子微博學能文攻家迎為一體號日金剪 之食或不食則莫知歲月光悅輕健日行三四百里緩 刀書隱於天台山玉霄峯自號白雲子有服餌之術唐 行奔馬莫及後却歸石棲庵竟不復出隱於山中矣 司馬承禎 雲笈七籤

國無為如之何對曰國猶身也莊子云游心於澹合氣 攻乎異端而增智慮哉睿宗曰理身無為則清髙矣理 損以至於無為且心目所見知每損之尚未能已豈復 於漢順於自然乃無私馬而天下理易曰聖人者與天 撮其美者三十餘篇為製序名曰白雲記見傳於世時 地合其德是知天不言而信不為而成無為之旨理國 乃賜寳琴花帔以遣之公卿多賦詩以送常侍徐彦伯 之要也睿宗深賞異留之欲加寵位固辭不可告歸山 卷一百十三 欠足四重公馬 豈非道力之助延長耶初明皇登封泰山迴問承頓五 敬問以延年度世之事承禎隱而微言明皇亦傳而祕 在宥天下深好道術後語承禎到京留於內殿頗加禮 台藏用指終南謂之曰此中大有佳處何必天台承禎 盧藏用早隱於終南山後登朝居要官見承頓將還天 關鑾與狩蜀及為上皇迎又七年方始晏駕雖由天數 徐對曰以僕所觀乃仕宦之捷徑爾藏用有慙色明皇 之故人莫得知也由是明皇理國四十五年雖禄山犯 雲笈七籤

然泛海將詣蓬來求師船為風飄到一山見道士指言 **鐵何神主之對曰截者山之巨鎮而能出雲雨潜諸神** 金グルカノニア 告年一百餘歲童顏輕健若三十許人有弟子七十餘 來隔弱水三十萬里非舟撒可行非飛仙無以到自然 天台山司馬承禎名在丹臺身居赤城此真良師也蓬 五嶽於山頂別置仙官廟自承禎始也又蜀女真謝自 乃迴求承禎受度後白日上昇而去承禎居山脩真勤 仙國之望者為之然山林神也亦有仙官主之於是記 卷一百十三

人ろうち いた 人一旦告弟子曰吾自王霄峰東望蓬來常有真靈降 駕今為東海青童君東華君所召必須去人間俄項系 通詩書學易於廬山陳元晤二十九問大丹於香林左 問丘方遠字大方舒州宿松人也幼而辯慧年十六精 出世之術三十四受法籙於天台山玉霄官葉藏質填 絕岩蟬蛻已解化矣弟子葬其衣冠馬 (澤澤 奇之後師事於仙都山隱 真嚴劉處靖學修真 閻丘方遠 **套笼七篮**

吾之師友也詮太平經為三十篇備盡極要其聲名愈 書每披卷必一覽之不遺於心常自言葛稚川陶貞白 道德禮謁於餘杭大滌洞築室宇以安之列行業以表 播於江淮問唐景祐二年錢塘彭城王錢錢深慕方遠 必當革易侔迹園綺不出山林竟不赴召乃降詔褒軍 昭宗累徵之方遠以天文推尋秦地将欲荆榛唐祚 秘訣盡以付授而方遠守一行氣之暇寫好子史產 頒命服件粮玄風賜號妙有大師玄同先生闡揚聖

多分四月白書

卷一百十三

つん フラーン・ムラ 日沐浴焚香端拱而坐俟亭午而化顔色怡暢屈伸自 陵盛隱林武都章隱芝皆傳道要而升堂與者也廣平 於聖跡藏於名山不復得而記矣天復二年二月十四 會籍夏隱言熊國戴隱虞榮陽鄭隱瑶吳郡陸隱周廣 謙光魯國犯宗魯十人皆受思真錬神之妙古其餘遊 程紫霄應召於秦宫新安聶師道行教於吴國安定胡 化啟發蒙昧真靈事跡顯聞吳楚由是從而學者若正 填人之在蜀趙昇王長亦混於門下弟子二百餘人 雲策七篇

彭定匹库全重 遂異看芬馥三日不散弟子以從俗葬舉以就棺但空 源也 **聶師道字通微新安歙人也性聰淳直言行謙謹養親** 都山及廬山累見之自言我捨大滌洞歸隱薦山天 衣而尸解矣葬於大滌洞之傍白鹿山後有道俗於仙 從兄也德誨自省郎出收新安之二年方外從之則 以孝聞深為鄉里所敬少師事道士于方外即德誨之 聶師道 卷一百十三

久己可事全島 原 雪波七藏 東南紫雲上遙遙而來遲緩過於石金山石金與百丈 高千餘仍夜宿於崖頂松下天清月明忽聞仙樂起自 其高相等雖平地隔三十里山頂相望咫尺間乃聞仙 侣上百丈山採松脂崖石迴聳百丈遂以名之其四望 要後出遊續溪山自言當覽內傳見服松脂法乃與道 為問政山房而師道事之辛勤十餘年傳法蘇修真之 書記早捨妻子入道學養氣修真之術周遊五嶽名山 到新安德誨乃於郡之東山選勝地構室宇以居之目 圭

歎曰方採靈樂遽聞仙樂豈非有感此亦君得道之嘉 **売擊鼓而拍莫審其曲調聲指而清特異人問之樂自** 樂到彼報少時敲小鼓三通復奏樂金石笙簫綠匏響 甚異採棋者時或見祭真人在其間師道喜之乃辟穀 觀入洞靈源時當春景開祭真人舊隱處不遠有花木 兆矣其後遊行歸南嶽禮玉清及光天二壇後泊招仙 七日晨起獨趨山中漸行見花有異香不覺日晚忽到 三更及雞鳴而止後問於山下人是夜皆聞之其同侣

金りせんべって

卷一百十三

方過得此溪目送樵人步水面而去不見乃迴山東行 學道尋仙深心所切聞蔡真人隱此山願一禮謁耳樵 員新将下溪迴顧師道却駐熊擔問獨此何往應之曰 大溪傍見一樵人臨水坐於沙上師道驟欲親近之乃 淺及師道入水極深而急不敢涉樵人曰爾五十年後 此山東有人家可宿師道欲隨樵人去樵人遽入水甚 於此有山通行宣憚遠近樵人又曰日將暮矣且行過 人曰蔡君所居極深人不可到師道曰攀離登崖已及

飲定四軍全書

宝笈七流

白色似農者年可三十獨居見師道到甚舒師道深山 述發跡新安尋填之由以對乃許入其舍復指師道合 亦命也已逼夜山林深黑投宿無地又問曰從何來具 曰尋蔡真人也主人曰路上見一樵人否曰見主人曰 自行忽回家累俱出何為主人又問師道此來何之應 十餘里遙望見草舎三問有羅落雞犬漸近見一人青 此蔡道者適過也師道聞之禮祝曰凡愚見仙聖不識 / 鑪邊牀上坐曰山中偶食盡求之

約三十餘里即逢見一老人欣喜邀於石上坐問入山 合主人日合内物皆堪喚任意取之乃揭一合是茶主 敢言主人別屋睡日高不起又無火燭睡中曰此孤寂 糧多時却不以食為念見火側有湯鼎復有數箇黃寶 行數里不見人家悉是崖險乃迴已迷向宿之處復行 可開遍揭諸合皆不能開師道心訝不似村人家而不 之處忽病無以相待前村人家甚多可以往彼師道便 人以湯潑及喫氣味頗異於常茶復思茶更揭之合不 雲笈七籤

之意具以前事對之老人曰蔡君父子俱隱於此山昨 時欲却沿山路尋宿處其路已為棘蔓蔽塞前去不通 在師道悲歎不己而覺食茶草之後氣力輕健愈於來 尺餘嚼之味甘美復令取泉水與次舉頭已失老人所 却迴招仙觀衆道士忽見師道驚異日此觀地雖靈嶽 山饑渴何能却迴俄折草一整與師道形如薑苗而長 夜所宿之處即其子也又曰爾道氣甚濃仙骨未就入)蟲獸甚多人罕能獨行何忽去月餘日實久愛望

金りでたんだって

とろうこう 俯伏 於地師道以手撫而呼之乃起隨行或以薪藥附 政山每入諸山捨薪斷樂或逢虎豹見師道垂耳搖尾 者昔聞彭真人亦隱此山豈非彭君乎子一入見遽逢 老人道士皆數曰吾輩雖同居此觀徒為學道知有蔡 深自歎異駐招仙觀修鍊逾年後以親老思歸却回問 三仙人一日一宿人閒月餘矣其實積碧之命也師道 《無緣一見吾子夙有仙分己見蔡君父子其老~ 雲笈七籤 Ī

師道曰昨日方去始經一宿具言見樵人及宿處又逢

於背上負之送歸而去昔郭文泰之居大滌洞伏虎亦 感也其親時問師道遊學所益具陳其事親聞之而喜 如之歙之近山頗有猛獸而不為人之害者自師道之 子雲字景為梁之公子自東陽太守避侯景之亂全家 郎皆隱玉笥山時人多見之梅即漢南昌尉福也蕭即 及也後又出遊復思往南嶽九疑山早間梅真人蕭侍 曰汝以孝養我以道資我亦幸為汝母矣此盖宿慶之 入山二人俱得道於此師道且止玉笥清虛觀思慕梅

蕭三遊都水坑或其一見怪心以去山行極深忽見一 菜道遍訪名山情亦非易欲見二君行者可以相引爾 人布衣烏紗帽顏若五十許人師道禮敬問之初自稱 行者問師道何往乃以尋梅蕭為答行者曰聞爾精勤 者又曰我謝修通也恐爾未識所以自言本居南山與 宿業甚净已應玉籍有名雖未便飛昇當亦度世爾行 彭祭同隱已三百年知爾常遊洞靈源我適為東華君 かいつう かよう 命主王笥山林地仙東掌清虚觀境土社令爾與我素 雲策七籤 卖

期今日獲見道君實百生之幸也修通曰丹心怨苦誠 有道緣是時相見然梅蕭日中為小有天王所召恐未 凝神注 想以朝繼夕未知要妙若浮于海莊識其涯不 便還非可俟也師道於是處拜曰凡世內人謬探大道 數里忽見草舎两間甚新潔有粉席小鑑災火煎涉儼 若書生所居而無人修通命師道入坐於木鬼上修通 白坐白石鹿林上俄有一髮角童以湯一盆與師道呷 可憫哉爾世事未了且當送爾出山路往我所止隨行 卷一百十三

多好四母全書

SCREDING STATE 之神氣爽然又指令架上自抽取書一卷修通曰此素 木坑師道入清虚觀矣衆道士驚口一去七日而返何 書於毛如溪上洞中仍題石壁記我傳語之意繁芝當 書也但習之無怠當得真古師道意欲求住師學未之 南遊此未可言住我弟子紫芝在九嶷山若往彼見之 故言而修通已知曰爾有親垂老雖有兄能養若欲更 自授爾要道言記乃發遣師道迴俄不見修通已在郁 為我傳語兼出素書示之得盡其古矣或不見但投素 雲笈七號 辛七

眾仙祕要真談也他仙習此當得昇天世人授之跡參 題石壁後當夢神人稱紫芝教之以釋凝滯意乃醒然 恨望而迴師道得素書文字可識皆說龜山王母理化 郁木坑到舊處嚴石草樹歷歷宛然但失其草舎竟日 之也師道具以對之有道士二人欣躍乞與師道共入 人或見者師道累入山尋之不見乃如修通之言投書 月餘尋問紫芝蹤跡咸言毛如溪有一隱士莫知姓名 洞府其間有疑義不可究也後到南嶽九嶷山湘眞觀 卷一百十三 欠己の巨小子 一 美為逍遥大師問政先生以顯國之師也弟子鄒德匡 華胥俗皆可封雖古今異時寔大帝之介君也乃降發 王處訥楊臣翌汪用真程守朴會景霄王可儒崔輝然 止及廣陵建元元官以居之每昇壇祈恩祷福水早無 填形畫像瞻禮乃自以管幅編異傳於道俗其後具太 不應致天地感動烟雲呈祥是以人情咸依道化境若 祖霸江淮間聞師道名迹算其道徳護於軍庶繼發召 雲复七籤

經歲餘復還問政居二十餘年每焚修即以二蔡彭薛

荆齊無梁閩蜀之士咸來逾紀勤苦奉事師道常謂之 府襲真風而行教朝廷皆命以紫衣光其玄門有秦异 杜崇真鄧改遐吳知古皆得妙理傳上清法散於諸州 逼朽腐思避短景希度長生願無却懸切也然師道以 奴僕之役久而不去者方得成仙今悉是枯骨子孫日 曰我無道術何以遠來若此弟子皆曰昔張君居蜀天 下之人悉往師之隨其所修各授以道要馬羣弟子執 仁慈接衆言不阻違隨其性識指以道要若久行霧霰

金月四月百十

卷一百十三

つくれいりころ したう 弟子曰適為黑情朱衣一符吏告我為仙官所召必須 有弟子五百餘人而師道胎息已久鍊丹有成一旦告 觀而去半年後有人自長沙來亦如豫章所見復言衡 去矣頃之異香滿室雲鵠近庭若真靈所集爽然言别 餘潤清衣近羅沉檀輕香襲體由是居廣陵三十餘年 何為遠遊曰離南嶽多年今暫往爾所在多泊舊遊宮 而化弟子殮之棺忽有聲視之若蟬蛇尸解矣後數日 人自豫章來見之領一懸角童隨行道俗多識之咸問 書 変と蔵

陽路見歸洞靈源去樵人言五十年後過此溪適足驗 若四十許人到處或易其姓名不定會於涇州賣樂時 望神仙皆然矣 矣詳其由來是二蔡彭謝之傳侣也隱化而在絕世思 殷七七名文祥又名道筌常自稱七七俗多呼之不知 何所人也遊行天下人言久見之不測其年壽面光白 殷文祥 疫癘俱甚得藥入口即愈皆謂之神聖得錢 卷一百十三

多好四母全書

言貞元年中有外國僧自天台鉢盂中以樂養其根來 益甚每醉自歌曰解醖須臾酒能開頃刻花琴彈碧玉 種之自後構飾花院鎖閉人或窺見女子紅裳艷麗游 仙公街也鵠林寺杜鵑花高文餘每春末花爛熳僧傳 調鑪鍊白朱砂寳嘗試之悉有驗其於種瓜釣魚若葛 淫原節度迎之禮重慕其道術還元之事及寶移鎮浙 即施之於人而常醉於城市問周實於長安識之尋為 西數年後七七忽到復賣藥質聞之縣喜遽召之師敬 再定と現

節度使實家官屬繼日賞就其後一城士女四方之人 於樹下有輕採花折枝者必為所崇俗傳女子花神也 子來謂七七回道者欲開此花耶七七乃問何人 副此日否七七諾之乃前三日往鵠林寺宿馬中夜女 非時之花此可開否七七日可也寶日今重九將近能 無不以酒樂遊從連春入夏自旦及昏間里之間殆于 所以人共保惜故繁艷異於常花其花欲開探報分數 廢業寶一日謂七七曰鵠林之花天下 的衛聞能開 卷一百十三

僚家適值會實次主與實趣而迎之有佐酒倡優共輕 戲術資於歡笑乃以栗巡行喚者皆聞異香驚嘆惟 侮之七七乃白主人欲以二栗為令可乎咸喜謂必有 春夏間數日花俄不見亦無落花在地後七七偶到官 及九日爛熳如春乃以聞寶一城士庶異之遊賞復如 妾於是女子後然不見來日晨起寺僧或訝花漸折樂 年非久即歸閱苑去今與道者共開之非道者無以感 到此女子曰妾為上玄所命下司此花在人間已逾百

暑無所損咸敬事之又七七酌水為酒削木為脯使人 石自鼻落後為栗嗅之皆有異香及花卸粉黛悉如舊 氣不可堪二人共起狂舞花鈿委地相次悲啼粉黛衣 形勢折峁聚蟻變城市人物有人曾經行處見之言歷 退行止船即住呼鳥自墮唾魚即活撮土畫地狀山川 不已一席之人笑皆絕倒久之主人祈謝於七七有項 酒笑七七者二人嗅之化作石級於鼻掣不落但言穢 下優伶單一時亂舞鼓樂自作聲頗合節奏曲止而舞

欽定匹庫全書

欠足り更な馬 旦忽殂七七劉浩軍變之時甘露寺為衆推落北崖謂 墮江死矣其後人見在江西十餘年 賣藥入蜀莫知所 作亂寶南奔杭州而寶總戎為政刑或無辜前上饒牧 陳全裕經其境構之以禍盡赤其族實八十三節力尤 歷皆似但小狹爾凡諸術不可勝紀後二年薛玄劉浩 止其鵠林花兵火焚树失根株信歸閬苑矣 北女妓百數蓋得七七之術後為無辜及全裕作属 雲笈七籤 聖

然迫好黃老諸子及周楊漢武茅君列仙內傳靡不精 史強記問無不知屬文清麗珠訓以進士為業而峭不 寧父馳書責之復謝曰茅君昔為人子亦辭父學仙今 究一旦告父出遊終南山父以南山近京都許之自經 譚峭字景升國子司業洙之子幼而聰明及長頗涉經 金人世居石量 終南太白太行王屋嵩華泰嶽迤邐遊歷名山不復歸 峭慕之冀其有益父母以其堅心求道不以世事拘之 乃聽其所從而峭師於嵩山道士十餘年得辟穀養氣 卷一百十三 大人了とり 見といかう 雪変七載 **裘冬則緑布衫或卧於風雨雪霜中經日人為已斃視** 之氣出然然久常念之每遣家僮尋訪春冬必寄之 衣及錢帛棒之且喜復書處遣家僮乃厚遺之幾去便 曰線作長江扇作天靸鞋抛向海東邊逢來信道無多 於人不衣不食固無愛也常欣欣然或謂風狂每行吟 所留人或問之何為如此曰何能看得盜之所竊必累 以父所寄衣出街路見貧寒者與之及寄於酒家一無 聖

之術惟以酒為樂常醉騰陽遊無所不之夏則服烏

金石口屋石書 路只在譚生拄杖前爾後居南嶽錬丹成服之入水不 巾衫必受之舊者堅不脱得新者出門逢人便與常游 杜昇字可雲自言京兆杜陵人也莫測其年壽不食常 濡入火不灼亦能隱化復入青城而去 城市間醉行能沙書好於水稅及盆內以沙書龍字浮 冬夏常若緑布衫而言談甚高頗有文學人有與换新 飲酒三斗不醉頹甚悦澤若三十許人裹大方巾破帽 杜昇 卷一百十三

處日日為之人皆不厭以錢與之疑以術感於衆也冬 擔行少項之間得錢甚多便散與貧人及酒家如此到 州拜之呼為道翁賓客僚屬皆訝之孺休口先君出鎮 **撒雪而行猶若願酣氣出如夏醉睡醒也杜孺休郊** 則卧於雪中三两日人以為殭斃矣或撥看之徐起抖 形呼之復下水中不就人求錢人自以錢與之召人穿 而左右轉或叱之則飛起高丈餘隱悉雲霧作小龍 公琮之子也為蘇州牧或聞可雲在城市極喜乃延入 雲笈七節 型

新定四庫全書 慈愛為意況今多事尤在保身未能脱展世塵委家林 野宜遠於兵傷道術語可問也時郡人以錢帛與之阻 實像聚飲有唱和者而可雲出口成章屬意深遠多神 西川日與此道翁深相喜重常來去書齊中時孺休幾 年十餘歲今五十餘歲別道翁四十年而裝飾顏貌 讓不可出城便散與人孺休敬之愈甚可雲或與孺休 如當時乃留之郡齊咨以道術可雲曰但以政化及人 仙古趣人無以綴之後軍亂孺休果為兵傷而死可雲 卷一百十三

人見亦被傷殺頃之但有舊衫一領作三四段斫破痕 スペラシー シーラ)·ŀ] 在地後數日人多見過松江浙江經杭越衢信入江西 羊情太山人也以世禄官家於縉雲明經擢第解褐嘉 形解化之道人莫能知也 歷話而笑復言曾居南嶽即當去矣詳而究之是得隱 市醉吟沙書如故又一年人於湖南見之問顏州事歷 夾江縣尉罷歸總雲兄竹為台州樂安令情鄉棲括 雲爱七截 四直

動定匹庫全書 餘文有篆書刻石字極大世傳言於摩題詩所成使匠 暴亡曰莊生鼓盆迥為達者今樂矣葬之不亦宜乎男 蒼山性 惟沉静薄於世際志尚逍遙常慕道街一旦妻 詩曰阮客身何在仙雲洞口橫人問不到處今日此中 且有業女已有歸永無累也後遊院郎亭崖上去地十 地若斃氣息猶暖乃舁還家七日方醒鄉里之人與道 行悟於亭側與縉雲觀道士數人花時飲酒日午忽仆 人整石模搭驗之乃唐李陽水常為縉雲令遊此亭題 卷一百十三

钦定四軍全書 隱玄天佐命君悟歷拜之成曰有仙骨未能飛昇猶宜 靈英謂愔曰一人小有天王君一人華陽大茅君一 更一石完中有物飛出狀如登青色柄長靈英指之曰 此青靈芝也可食之得仙倍覺餓方甚取坐於石上食 士俱往問之情曰初為一人青幘絳服自稱靈英激入 仙官乃引見仙官戴遠遊冠霞帔三人文武侍從極多 洞府中見樓觀宏麗鸞鵠徘徊天清景暖異於人問領 之味甘美俄而都盡靈英曰爾夙有仙分今日遽得見 雲笈七籤 翌

皆動抖機如竹片及拍板聲又多言語吟詠若與人談 身後不喜穀氣但飲水三升日食百合一蓋身輕骨節 合性飲水飲酒三年鬚髮如漆面有童顏行步輕健似 健有不信者謂為妖物所魅及二年漸肥白不喜食百 話畫夜不已時或以紙三二百幅書之頃刻皆遍文字 亦清辭麗句多神仙瀛洲閥花之意如此經年清瘦輕 地上修鍊俄而靈英送出乃括蒼洞西門也愔方悟此 人莫識之情讀之悉是文章道侣好事者依口録之實 卷一百十二 改定四車全書 飛飲酒三斗不醉衣布褐後南行入委羽山人莫得目 雲笈七籤 里

	 	 		 	=
雲笈七籤					メリーノー・ス ノー
雲笈七籤卷一百十三					
=					卷一百十三
	 	 · '	!	 	<u>L</u>

らんこしり ラーシュトラ 登仙超凡證道駐隊馬風燈之景事古椿蟾桂之齡變 欽定四庫全書 編載經許玄圖秘錄燦然可觀神仙得道之蹤或品昇 泡沫之姿同金石之固長生度世代有其人綿歷初年 墉城集仙録者紀古今女子得道昇仙之事也夫去俗 雲笈七 籖卷一百十四 傅 塘城集仙錄叙 雲笈七籤 張君房 撰

金与四母白書 馬已還皆報天府而下松生靈由仙曹而暫司宰制垂 漢或隱月奔晨或朝宴九清或徊翔八極開皇已往劫 駕景登晨或功者嚴林朔煙霞而輕舉或身離置獨控 昇聞使雞犬以俱飛拔庭除而共舉光于簡冊無世無 鸞鶴以冲虚或躬赞帝王或樂居旺俗陰功克就玄德 法立教東國佐時儒籍史臣備顯其事至有韜光混跡 運之前三洞實書多所詳述泊九皇三古之後服牛東 上聖或秩預高填或統御諸天或主司列嶽或騎箕浮 卷一百十四

久已日日八十 之昔秦大夫院養漢校尉劉向繼有述作行於世間次 者真經云得道去世或隱或顯證道雖一修習或殊故 後謂之神仙非是骨肉昇衛此蓋愚瞽未達之甚也何 矣常俗之流或言神仙者必俟身形委谢魂識成真而 別書事跡接於聞見詎可勝言則神仙之事煩乎無隱 地山海之說搜神博物之記仙方樂品之文旁引姓名 仙傳上真記編次紀録不啻十家又名山福地之篇括 有洞冥書神仙傳道學傳集仙傳續神仙傳後仙傳洞 雲笈七籤

帝而得道者黃觀章道微傳君之例是也況復大洞七 變八票三圖胎精斑符隱芝曲素王精金液黃水祕符 陰景鍊形靈肉再生前功克懋者則五老上帝四極順 遐邁者則谷布長異青光赤松之例是也或受書禀鏡 赤樹青英環剛絳實白羽皇象九轉八瓊服之而化鳳 王之例是也或精誠不易試難不移目注崑丘心朝大 人之友或為天帝之實後忽而龍駕來迎參差而雲駢 云神仙之道百數非一途所限非一法所拘也或為真

金月正是人自己

一之文華丹素奏之靈神虎金真之要飛行之羽超虚踊 故古今得者詎可殫論南真云功滿三千白日昇天宏 能感其志聲色不能誘其東此則我命在我長生自致 曲晨七十四方之所修靡虧毫髮三十七色之所授漸 空流金之光攝神制逆翱翔則翠羽元翮控御則飛蓋 備羽儀至或降九錫以騰凌踐七試而貞介資師祕訣 證自我心應象不能易其堅雷霆不能駭其聽富貴不 化龍餌之而為金為玉復有金璫玉珮之訣三皇八景 野夏と既

|道無已自致不死此之謂也夫神仙之上者雲車羽蓋 志太極以其推誠限盡而終魂神受福者得為善典之 累徳未彰或至孝至忠至貞至烈或心不忘道功未及 蜕蟬飛然而沖天者為優尸解者為劣又有積功未備 形神俱飛其次北谷幽林隱景潜化其次解形託象她 得為鬼仙然後昇陰景之中居王者之秩積功累德亦 鬼地司不制鬼録不書逍遥福鄉逸樂遂志年充數足 《寒棲獨鍊於已身善行不加於。與獨者太上以其有

一鼓定匹庫全書

|入仙階矣如此則善不徒施仙固可學功無巨細行無 尊於免澤男真女仙之位所治昭然觀夫語籍之中圖 哉又一陰一陽道之妙用裁成品物孕育華形生生不 洪纖在立功而不体為善而不倦也修習之士得不勗 夜齊其用假彼二象成我三才故木公主於震方金母 停新新相續是以天覆地載清濁同其功日照月臨晝 1 1 1 mai / . L. 修行之事日月五星之内空常飛步之篇元父玄母以 傳所述混同載録未有解張今按上清七部之經存注

|道位極於元君此傳以金母為主元君次之凡十卷矣 為墉城集仙録上經曰男子得道位極於真君女子得 **廣成先生杜光 庭撰** 西王母者九靈太妙龜山金母也一號太靈九光龜臺 母為尊金母以墉城為治編記古今女仙得道事實目 金母亦號曰金母元君乃西華之至妙洞陰之極尊在 西王母傅

愛足匹庫全書

兼行陽號陰名而具著纂被衆說集為一家女仙以金

卷一百十四

欠とりまたかう 皆挺質太無疏神玄與於西方眇恭之中分大道純精 靈之墟以主陽和之氣理於東方亦號曰王公馬又以 釣萬物矣體柔順之本為極陰之元位配西方母養產 之氣結氣成形與東王木公共理二氣而育養天地陶 姓族氏生而飛翔以主陰靈之氣理於西方亦號王母 西華至妙之氣化而生金母馬金母生於神洲伊川厥 東華至真之氣化而生木公馬木公生於碧海之上蒼 雲笈七籤

昔道氣凝寂湛體無為將欲改廸玄功生化萬物先以

金分四周 台書 臺紫翠丹房左帶瑶池右環翠水其山之下弱水九重 品天上天下三界十方女子之登仙得道者成所隸馬 苑有金城千重玉樓十二瓊華之關光碧之堂九層玄 所居官闕在龜山之春山西那之都崑崙玄圃関風之 承霄青琳之宇朱紫之房連琳終帳明月四朗戴華勝 洪濤萬丈非殿車羽輪不可到也所謂王闕暨天緑亭 佩靈章左侍仙女右侍羽童寳蓋沓映羽於廕庭軒砌 之下植以白環之樹丹剛之林空青萬條瑤翰千專無 卷一百十四

未禁而蚩尤幻化多方徵風召雨吹烟噴霧師衆大迷 聖朝宴之會考校之所王母皆臨決馬上清實經三 勝虎齒善嘯者此乃王母之使金方白虎之神非王母 王書凡所授度咸所關預也昔黃帝討蚩尤之暴威所 制召萬靈統括真聖監盟證信總諸天之羽儀天尊上 之真形也元始天王授以萬天元統龜山九光之籙使 之東南故爾雅云西王母日下是矣又云王母逢髮戴 風而神類自韻烺然皆九奏八會之音也神洲在崑崙 更交と 民

|多定四庫全書 宫五意陰陽之界太一遁甲六壬步斗之術陰符之機 帝歸息太山之阿昏然憂寐王母遣使披玄狐之裘以 靈寶五符五勝之文遂尅出尤於中其剪神農之後誅 廣三寸長一尺青瑩如玉丹血為文佩符既畢王母乃 符授帝曰太一在前天一在後得之者勝戰則尅矣符 榆用於阪泉而天下大定都於上谷之涿鹿又數年王 母遣使白虎之神乘白虎集帝之庭授以地圖其後虞 婦人人首鳥身謂帝曰我九天玄女也授帝以三 卷一百十四 次足四事全書 一人 舜攝位王母遣使授舜白玉環又授益地圖遂廣黃帝 書者皆朝王母於崑陵之闕馬時叔申道陵侍太上道 权申王褒字子登張道陵字輔漢泊九聖七真凡得受 月王母授以瓊華寶曜七辰素經茅君從西城王君詣 汲白水凌黑波顧眄倏忽謁王母於闕下子登清虧三 君乘九益之車控飛虬之軒越積石之峯濟弱流之津 之九州為十有二州王母又遣使獻舜玉琯吹之以和 八風尚書帝驗期曰王母之國在西荒之野昔茅盈字 雲笈七籤

城王君一 告之曰吾昔師元始天王及皇天梅桑帝君授我以玉 以飛輔之輪栢天導車造父為右風馳電逝三千里越 以入天門名曰玄真之經今以授爾宜勤修馬因敕西 龍鳳之年欲以朝菌之脆求積朔之期王母愍其勤志 **珮金瑞二景纏煉之道上行太極下造十方溉月咀日** 王滿命八駿與七萃之士驊騮赤驥蹈驪山子之来駕 解釋以授馬又授質書四重散方泊周穆

白玉龜臺朝謁王母求乞長生之道曰盈不肖之軀篡

卷一百十匹

次定四車全書 一 差越然其界天之時先拜木公後謁金母受事既記方 太上真人第四號飛天真人第五號靈仙第六號真人 第一上仙號九天真王第二次仙號三天真皇第三號 第七號靈人第八號飛仙第九號仙人凡此品次不可 **迹于弇山之上而還中土矣世之昇天之仙凡有九品** 天子持白珪重錦以為王母之壽語白雲之語刻石紀 梁以濟弱水而昇崑崙玄圃閬風之野而實于王母穆 剖問無見之鄉犀王玄池之野吉日甲子黿鼉魚龜為 雲笈七籤

戒精思四月戊辰王母使墉城玉女王子登來語帝曰 好長生之道以元封元年登嵩高之歡築尋真之臺齊 公也自非沖虚登真之子莫知其津矣漢孝武皇帝徹 乃東王公之玉童也仙人得道昇天當揮金母而拜木 四五小兒戲於路中一兒語曰著青裙入天門揖金母 得异九天入三清拜太上覲奉元始天尊耳故漢初有 聞子欲輕四海之禄迁萬乘之貴以求長生真乎勤哉 拜木公時人皆莫知之唯張子房知之乃往拜馬曰此 卷一百十四

雲大綬頭上華髻戴太真晨纓之冠躡方瓊鳳文之發 文已日日上十二 **璽黃錦之服文彩鮮明金光实实腰佩分景之劒結飛** 闕大仙從官森羅億衆皆長丈餘既至從官不知所在 徑趣官庭漸近則雲霞九色簫鼓震空龍鳳人馬之衆 七月七日吾當暫來也帝問東方朔審其神應乃清齊 王母乗紫雲之輦駕九色班龍帶天真之策佩金剛靈 乗麟駕鹿之衛軒車天馬霓旂羽幢千乗萬騎光耀宫 百日焚香宫中夜二唱之後白雲起於西南鬱鬱而至 雲笈七籤

金分せんと 如鵖暗保與子四以與帝母自食三帝食桃輕收其核 非世所有帝不能名也又命侍女取桃玉盤盛七枚大 坐設以天厨芳華古果紫芝姜黛紛若填樏精珍異常 二女登牀東向而坐帝拜跪問寒温侍立良久呼帝使 琅之璈董雙成吹雲和之笙石公子擊見庭之玉許飛 母問何為帝曰欲種之耳母曰此桃三千歲一實中國 可年二十許天姿晻藹靈顏絕世眞靈人也下車扶侍 地薄種之不生如何於是王母命侍女王子登彈 卷一百十

次足四年 白馬 磨段安香作九天之釣法嬰歌玄靈之曲泉聲激朗清 **賤祭樂甲耽虚味道自復佳耳然汝性恣體欲淫亂過** 音駭空歌畢帝下席叩頭以問長生之道王母曰汝能 甚殺伐非法奢侈恣性大侈者裂身之車也淫者破身 以子最爾之身而宅殘形之賊盈尺之材乃攻之者百 之斧也殺者響對奢者心爛積欲則神陨聚穢則命斷 刃欲以解脱三尸全身永久不可得也有似無翅之鷃 瓊鼓震靈之簧婉凌華拊吾陵之石范成君擊洞陰之 雲发七武

愛眾生而不危守慈務施鍊氣惜精價有若斯之事豈 天王昔於嚴霄之臺授我要言曰欲長生者先取諸身 之道理身之要汝固知矣但在勤行不怠也我師元始 垂謬罪積丘山今日之後請事斯語矣王母曰夫養性 母之誠曰徹不才沉淪流俗承禪先業遂羈世累刑政 無髮駕耶若不爾者譬如抱石而濟長河耳帝跪受王 穢易意保神氣於絳府閉淫宫而不開静奢侈於寂室 願鼓天池朝生之菌而樂春秋者哉若能蕩此衆亂撥

卷一百十四

次定四車全書 又 吐納六府魂魄於却此百病碎熱寒保精留命永長存 金室宛轉在中關青白分明適泥丸養液閉精具身神 堅守三一保靈根立谷華體灌沉珍溉長清精入天門 必長生亦可役使鬼神遊戲五嶽但不得飛空騰虚而 也至若太上靈樂上帝奇物地下陰生重雲妙草皆神 已汝能為之足可度世也夫學仙者未有不由此而始 此所謂呼吸太和保守自然真得道者也凡人為之皆 三宫倩衛存絳宫黃庭戊已無流源徹通五職十二綸 雲发七籤

服之白日昇天此飛仙之所服非地仙之所聞其下藥 轉五雲之漿玄霜終雪騰躍三黃東瀛白香玄洲飛生 仙之樂也得上品者後天而老乃太上之所服非中仙 有松柏之膏山薑沉精菊花澤寫枸杞茯苓菖蒲門冬 1班田太虚選丹盛以金蘭長光終草雲童飛干)所寶其中品者有得服之後天而逝乃大真之所服 石千芝威喜九光西流石膽東滄青錢高丘餘糧積 下仙之所逮其次藥有九丹金液紫華虹英太清九

飲定四車全書 老童顏役使羣思得為地山求入道者要先憑此陷漸 夫一人之身天付之以神地付之以形道付之以氣氣 於身耳百姓日用而不知此故為上品自然之要也且 久氣長存則不死不用樂石之費又無管索之勞取之 而能致遠勝也若能呼吸御精保固神氣精不脱則永 延年雖不能長享無期上昇青天亦可以身生光澤返 此下樂客舉其端草類繁多名數有千子得服之可以 巨勝黃精靈飛赤板桃膠木英升麻續斷成殺黃連如 雲复七籤

出之以付於帝弱善修之馬王母命駕將去帝下席叩 言乃我師元始天王所授之詞也即勒玉女李慶孫書 神逝豈不痛哉一失此身萬劫不復子其寶馬我之所 存則生氣去即死萬物草木亦皆如之身以道為本豈 頭請留王母即命侍女召上元夫人同降帝宫良久上 元夫人至復坐設天厨久之王母命夫人出八會之書 可不養神固氣以全爾形也形神俱全上聖所貴形滅 五嶽真形五帝六甲靈飛之符凡十二事云此書天上

滅腐寶歸長齡徹其慎之敢告劉生祝畢帝拜受之王 命侍女宋靈賔開雲錦之囊取一策以授帝王母執書 母曰夫始學道受符者宜別祭川嶽諸真靈潔齊而 和長平太上八會飛天之成真仙節信由兹通靈泄陸 天髙地甲五嶽鎮形元真激氣太澤玄精天回九道六 起立以付帝王母咒曰 四萬刼一傳若在人間四十年可授有道之士王母 之馬四十年後若將傳付汝之所有董仲君李少君可 野夏上蘇

欽定四庫全書 祐黎庶也言說與上元夫人命車言去從官互集將欲 佐於汝非流俗之夫也其後武帝不能用王母之戒為 偷桃矣昔為太山仙官因沉湎于玉酒失部御之和謫 登天因笑指方朔口此我隣家小兒性多滑稽曾三來 校之爾沉為帝王可勤祭川嶽以安國家授簡真靈以 酒色所熟殺代不休征遼東擊朝鮮通西南夷築臺榭 興土木海内愁怨自此失道幸回中臨東海三祠王母 不復降馬所受之書置於柏梁臺上為天火所焚李少 **F**

託形尸解之驗也又大茅君盈南治句曲之山元壽二 十餘卷盛以金箱一旦出於抱續山中又玉箱玉杖出 フスンフック からたの 子期賜盈神璽玉策太微帝君遣三天左宫御史管修 年八月已酉南嶽真人亦君西城王君方諸青童並從 於扶風市驗茂陵宛然如故而箱杖出於人間此亦得 始二年前於五作官葬於茂陵其後茂陵所藏道書五 君解形而去東方朔飛為不還巫蠱事起帝愈悔恨元 王母降於茅盈之室頃之天皇大帝遣繡衣使者令廣 雲夏七疏 古四

條賜盈八龍錦與紫羽華衣太上大道君遣協展大夫 闕玉芝者位為司命食流明金英者位為司禄食長曜 鈴而立四使者告盈曰食四節隱芝者位為真卿食金 明神芝四使者授託使盈食芝佩璽服衣正冠帶行握 石叔門賜盈金虎真符流金之鈴金闕聖君命太極真 雙飛者位為真伯食夜光洞草者總主左右御史之任 人使正一上玄玉郎王忠鮑丘等賜盈以四節燕胎流 子盡食之矣壽齊天地位為司命授東嶽上卿統吴越

銀好四庫分書

卷一百十四

欠足四重人事 授道要王母命上元夫人授茅固東太霄隱書丹景道 歌玄靈之曲宴罷王母攜王君及盈省顧盈之二弟各 方面車服降於其庭傳大帝之命賜盈紫王之版黃金 信之盟以授於盈固及東事託西王母昇天而去其後 精等四部實經王母執太霄隱書命侍女張靈子執交 授事就俱去王母及盈師西城王君為盈設天厨酣宴 刻書九錫之文拜盈為東街上卿司命真君太元真人 之神仙綜江左之山源矣言畢使者俱去五帝君各以 雲笈七籤 十五

紫虚元君魏華存夫人清齋於陽洛隱元之臺西王母 駕我八景與紋然入玉清龍旌拂霄上虎於攝朱兵道 各歌太極陰歌陽歌之曲王母為之歌曰 仙公石路成太極髙仙伯延蓋公子西城眞人王方平 清隱書四卷以授華存是時三元夫人馮雙禮紫陽左 與金闕聖君降於臺中乗八景與同詣清虚上宮傳玉 太虚真人南嶽赤松子桐栢真人王子喬等三十餘真 玄津際萬流無暫停哀此去留會刼盡天地傾當尋

金りに

卷一百十四

敦定四事全書 真皆從王母昇還龜臺矣太真金母師匠萬品校領奉 茅真人於華陽洞天留華存於霍山洞宫玉字之下泉 **真聖位尊高總綠幽顯至若邊洞玄躬朝而受道謝自** 存同去東南行俱請天台霍山過句曲之金壇宴太元 夫人紫陽左仙公太極仙伯清虛王君乃攜南嶽魏華 曲相與樂未央歌畢三元夫人答歌亦竟王母及三元 真幹玉映輝 額精在任靡其事虚心自受靈嘉會終河 無中景不死亦不生體彼自然道寂觀合太冥南歡挺 **雲笈七籤**


尋各據方邑自稱五行之號太皥之後自為青帝榆岡 神農之後自號赤帝共工之後自號白帝葛天氏之後 有熊之國君佐神農之孫榆岡既衰諸侯相伐干戈相 九天玄女者黄帝之師聖母元君弟子也黄帝在昔為 然景侍而登仙故洞玄及自然傳謂金母師即王母也 自號黑帝帝起有熊之墟自號黃帝帝乃恭已下士側 **玄經所證事跡蓋多此未備録矣** 九天玄女傅 卷一百十四 とこりまという 台五聖為下台始獲實鼎不费而熟迎日推策以封胡 能以為已助得風后於海隅得力牧於大澤以大鴻為 害黎無鑄兵於葛鱸之山不順帝命帝欲征之博求賢 身修德在位二十一年而蚩尤肆孽弟兄八十一人獸 龍行倉頡容成大撓奢龍眾臣以為輔翼戰虫尤於派 為将以夫人費修之子為太子用張若隰朋力牧容光 佐天老為師置三公以象三台風后為上台天老為中 身人語銅頭鐵額跟沙吞石不食五穀作五虎之形以 雲笈七籤

雲服九色彩翠之衣集于帝前帝再拜受命玄女曰吾 黎四海嗷嗷莫保性命欲萬戰萬勝之術與人除害可 以太上之教有疑可問也帝稽首曰虫尤暴横毒害慈 上之應居數日大霧冥冥畫晦玄女降馬乗丹鳳御景 王母遣使披方狐之裘以符授帝曰精思告天必有太 作大車以杓指南以正四方帝用憂憤齋於太山之下 鹿帝師不勝蚩尤作大霧三日內外皆迷風后法斗 乎玄女即授帝六甲六壬兵信之符靈寶五符策使思

金月世屋人言

卷一百十

次已日日 上十 之幡以辨五方帝遂復率諸侯再戰虽尤驅魑鬼雜妖 仙之物五龍之印九明之珠九天之節以為兵信五色 虬縣虎騎千花之盖八鸞之與羽獨玄罕虹旌王銀神 節十絕靈幡命魔之劔霞冠火珮龍戟霓於翠輦綠群 神之書制妖通靈五明之印五陰五陽遁甲之式太 以為陣雨師風伯以為衛應龍蓄水以攻於帝帝盡制)遂減蚩尤于絕轡之野中冀之鄉塚分其四肢以葬 -精四神勝員握機之圖五嶽河圖策精之訣九光玉 雲笈七籤



欠己り見たら 亦無所厭麤衣獨食之外所得施諸貧病曾有少年住 憩咸若還家不異住容還錢多少未當有言客住經 梁母者盱眙人也孀居無子舍逆旅于平原亭客來投 欽定四庫全書 雲笈七鐵卷一百十五 傳 梁毋 (臨去云我是東海小童母亦不 雲笈七籤 宋 張君房 撰 月

相見果得子來靈響飄飄玄尚嶮戲津驛有限日程三 至蒙陰於蜂城西遇一青羊車車自行見一小童子喚 今被太上召還應過蓬萊專子喬經太山檢考召意欲 年十二三許齊著黃衣絳裹頭上用髻容服端正世無 比也車中人遣一童子傳語云我是平原客舍沒母也 干侍對在近我心憂勞夜當來烟三清此三子見送之 云徐道士前來道盛行進去車三步許止又見二童子 小童何人也宋元徽四年丙辰馬耳山道士徐道盛整

金发过程人

也 た己の見 ·莫知之靚及妹並先世累積陰德福速於靚故皆得 靚字太玄陳留人也少有客鑒洞於幽元沉心冥肆 相開度過此無憂危也舉手謝去云太平相見馳車騰 都因汝為我謝東方清信士女太平在近十有餘 浙 姑者南海太守鮑靚之女晉散騎常 極目而沒道盛選逆旅訪之正是梁母度世日相 鮑 LILIN 姑 雲笈七銭 侍葛洪之妻

生授刀解之術累徵至黃門侍郎求出為南海太守以 法及三皇五嶽劾召之要行之神驗能役使鬼神封山 無悲悼葬於羅浮山容色若生人皆謂為尸解靚還丹 令太玄在南海小女及笄無病暴卒太玄時對賓客略 姑適葛稚川稚川自散騎常侍為錬丹砂求為句漏縣 制魔東晉元帝大興元年戊寅靚於蔣山遇真人陰長 姑及小妹並登仙品靚學通經緯後師左元放受中部 -葬於石子岡後遇在城亂發棺無尸但有大刀而 卷一百十五

金岁正屋子書


大巴司首 葬之靚之妹亦得尸解之道姑與稚川相次登仙 李奚子者晉東平太守李忠祖母也不知姓氏忠祖父 日少周旋吴越諸山十餘年乃得仙道而去 孫寒華者吴人孫奚之女也師杜契受方白之要顔容 **訇然有聲若雷震之音眾賊奔走賊平之後收刀別復**) 贼欲取刀聞 塚左右兵馬之聲 顧之驚駭中間其刀 孫寒華 李奚子 雲笈七歲

金罗巴尼人門 貞節丘園性多慈憫以陰徳為事奚子每與一志務? 實瓊英者實武之妹也其七代祖名時常以葬枯骨為 韓西華者不知何許人也慈爱於物常行陰功至於蛸 翹微命皆愛而護之學道得仙今在嵩山洞天之中 如此今得道而居華陽洞宫中也 人大雪寒凍露積稻及穀於園庭恐禽鳥餓死其用 富瓊英 韓西華 卷一百十五

飲定四車全雪 事以活死為心故祚及瓊英令行女仙在易遷宫中 華李奚子並天姿嚴麗儀觀駭衆才識偉 雖皆得為明 皆得遁化煉景入華陽易遷宫中劉春龍竇瓊英韓太 趙素臺者漢幽州刺史趙熙之女也熙少有善行常 晨侍郎以居洞中侍郎之任以良才舉之不限男女也 劉春龍郭叔香並不知何許人也以其先世有陰徳故 劉春龍 趙素臺 雲笈七銭

窮困救王惠等族殊有陰德數十年照得身詣朱陵兒 傅禮和者北地傅建之女也舉家奉佛禮和常日日 謂天下無復樂於此處也數微服遊行眄山澤以自足 道仙去善為空洞之歌歌則禽鳥翔舞而集雅聚其前 易遷夫人者乃其品也 得遊洞天素臺在易選宫中巴四百年不肯移去自 佛前每發願云獨慕仙道常服五星精身生光華得 傅禮和 灑

欠三日見八二 少好道因得尸解去在太元司命華陽含真臺師東 以聽之此乃至誠所感而獲道也 張微子者漢昭帝大匠張慶之女不知何郡人 至要後師韓君授其岷山丹方服之得入易遷宫位為 黄景華者漢司空黃瓊之女也景華少好仙道常家修 協晨夫人領九宮諸神女亦總教授之 張微子 黄景華 雲笈七籤 也般子



其家父母以其慕道託女官以保護之與授正一延生 汝宿禀仙骨歸心精誠不忘於道今以青童召汝受事 芋野葛充饑忽有二青童降於其庭宣上帝之命曰以 感降是歲三川饑歉斛卧翔贵死者十有五六多採山 錄名曰法進而專勤香火護持齊戒亦站相絕粒時有 手致敬若有凛懼馬十餘歲有女官自級州歷外色過 古觀雖無道士居之其嬉戲未嘗輕侮於尊像見必做 王法進者劒州臨津縣人也孩孺之時自然好道家近

文三日 更 Alder

雲茂七銭

惜斯固神明所責天地不祐也近者地司嶽瀆日有奏 地之和氣得為人形復生中土甚不易也而天運四時 於王京也法進即隨青童騰身凌虚徑達太帝之所命)婦身勤而不得飽力竭而不免寒徒施其勞曾不愛 ·

無地禀五行之秀生五穀百果以養於人而人不 地養育之思輕棄五穀厭捨縣麻使耕農之夫紡織 一盃霞漿賜之飲託帝謂之曰人禀五行之大體天 厭賤米麥不貴衣食之本我已勃太華之府收 卷一百 十五

金人口尼人司

次官日華全事 食之養儉已約身皆能行此明戒天地愛之神明馥之 育物宗奉正道崇事神明至於水火之用不可厭棄衣 愛桑點貴敬農事惜五穀百果知大道之養人厚地之 童入侍天府今且令汝下於世告諭下民使其悔罪實 所起因無懺請首原之路虚受其苦耳汝當為無上侍 愚悠悠曾未覺悟旋奉太上所刺以大道好生不可因 一穀之神令所種不成下民饑餓因示責罰以懲其心世 彼惡民以害衆善雖天地神明罪之愚民亦不知過之 雲发七銭

寶清齊告謝天地之法是也其法簡易與靈寶自然齊 於世曰世人可相率幽山高靜之處置齊悔謝一年之 大率相類但人間行之立成徴效苟或几席器物小有 汝矣命青童送還其家已三箇月也所受之書即今靈 放琅笈珠韞出靈寶清齊告謝天地法一卷付之傳行 内春秋两為春則祈於年豐秋則謝於道力如此則宿 風雨順調家國安泰此乃增益汝之陰功也即命侍女 可除穀父難母之神為置豐行也龍虎之年復當召

金号でた

卷一百十五

次己口戶在 而昇天此乃亦符龍虎之運神人之言矣 崇事雖愚樸之士狂暴之夫罔不戰慄兢戒肅恭警恐 功齊益一揆矣法進以天寶十一年壬辰歲雲鶴迎之 信之徒立可較其徵驗矣巴南謂之清癬蜀土謂之天 其壇筵迅霆吼雷毁其器用自是三川梁漢之人歲皆 於修奉之處炷香告玄旦夕響應以臻其祐與不處不 知奉其法馬或填蝗旱潦害稼傷農之處衆誠有率夠 輕慢濁污者營奉之人少有不公心者即飄風驟雨壞 雲笈七籤

金好四月百十 王氏者中書舍人謝良弼之妻也東晉右軍逸少之後 王氏 卷一百

疾沉痼歷年未愈良弼赴闕竟不果行而加綿篤時吴 筠天師遊四明天台蘭亭禹穴駐策山陰王氏之族謁 會務人也良弼進士擢第為浙東從事而婚馬既而抱 而求救為禁水吞符信宿即愈王氏感道力救護乃詰 一師受蘇精修焚香寂念獨處靜室志希晨飛因絕粒

棄其形於地隆冬之日帳側忽聞雷震之聲舉家驚異 約置於園林間偃然如寐亦無變改二十年有盜發殯 考往過懶之未盡吾平生以俗態之疾頗懷妬嫉今猶 後方得蟬蛇耳吾死勿用棺器可作栢木帳致尸於野 心閉藏黑未通於道當須陰景錬形洗心易藏二十年 年賴天師故之而續已盡之命悟道既晚修奉未精宿 接靈仙而人不知也忽謂其女曰吾昔之所疾将僅十 好委人檢校也是夕而卒家人所殯如其言凡事儉

次巴口巨人

雲笈七戢

迹矣 **虵蟬亦形骨騰舉內質登天皆為天仙不居山嶽矣良** 備右脇上有折痕長尺餘即再收極馬南嶽夫人常 馳行看之及舉其戶則身輕如空殼肌膚爪髮無不 弼亦執弟子之禮躬侍天師仍與天師立傳詳載其事 得道者上品白日昇天形骨俱飛上補真官次者蛻 姑者女道士黄靈微也年八十而有少容貌如嬰孺

白火电影人们

卷一百十五

次巴口 更 Calo 時人莫得知之以則天長壽二年壬辰冬十月詣洪都 汝水西石井山有仙壇遂訪求之歲月且久榛燕淪翳 矣聞南嶽魏夫人平昔渡江修道有壇靖在臨川郡臨 許人也自唐初來往江浙湖嶺間名山靈洞無所不造 西山褐道士胡超而問馬超字拔俗能通神明即為指 道行高潔世人號為花姑蝶履徐行奔馬不及不知何 念欲凌侮者立致顛沛達近畏而敬之奉事之如神明 經涉之處或宿於林野即有神靈衛之人或有不正之 雲笈七籤

潔不爾有她虎驚吼之異時有雲物如鳥犀飛垂带直 雲中唇宗皇帝使道士葉善信將編像幡花來修法事 之復夢夫人指九曲池於擅南訪而獲之專砌尚在景 金りといたろう 壇中矣於其下得尊像油雞錐刀燈盏之類因葺而與 首折則其處也姑訪之見龜之左右壇跡宛然立處當 南郭六里許有烏龜原古有石龜每犯田苗被人擊其 祈禱不絕每有風雨或聞簫管之聲凡是禮謁必須嚴 仍於壇西建洞靈觀度女道士七人住持泪明皇熙祭 卷一百十五

來姑累得嘉兆躬申葺理行宿洞口聞鐘磬之音雖荒 遇擅殿餘址遂立屋宇聞步虚仏梵之經音環擅數里有 靈通密有所告曰井山古跡汝須崇修俄聞異香從西 梗多時若有人接導當宿林恭怡然甚安達明入山果 酉歲姑欲昇化謂其弟子曰吾仙程所促不可父住吾 姑為拔之其後每齋前則街蓮藕以獻姑開元九年辛 **热採不精潔者必有怪異之驚有野泉中箭來投花姑** 下壇上倏忽西出如向井山前後非 一而已花姑肟蠁

茶偉編入後仙傳開元二十八年唐辰三月乙酉物道 身化之後勿釘吾棺只以終紗暴覆棺上而已明日無 欽定四庫全書 鬱勃直入室內明皇聞而駭之使覆其事明日使道士 疾而終肌膚香潔形氣温煖異香滿於庭堂之內弟子 士齊龍壁來聽忍有白鹿自壇東出至姑塚間而滅即 中奠瓜數日生蔓結實如桃者二馬每至忌辰即風雲 孔大如雞子棺中唯有被覆木簡屋上穿處可通人座 依所命棺不釘以絳紗覆之而已忽聞雷震擊紗上有 卷一百十五

觀又以髙行女道士黎瓊仙七人居仙壇院顏公述仙 中魯郡開國公願真卿為撫州刺史舊跡荒毀闕人 張景佚以為聖徳所感立碑頌述天寶八載已丑以魏 壇碑而自書之以紀其事跡馬 持召仙臺觀道士譚仙嚴道士黃道進二七人住洞靈 夫人上昇之所度女道士二人常修香火大思三年

姑葬空棺木簡之處又有五色仙蛾集於壇上刺中

我女子也而能棄家雲水不避蛟龍虎狼豈懼汝鼠董 理策出山諸僧一 朝姑輕馬之羣僧激怒欲以力制之詞色愈悸姑笑曰 宿嚴麓林窟之中亦寓止僧院忽為豪僧數輩微詞所 百歲狀貌常如二十四五歲矣善禁咒之術獨追海內 徐仙姑者北齊 僕射徐之才女也不知師奉何人已數 三江五嶽天台四明羅浮括蒼名山勝賞無不周徧多 即解衣而即遽撤其燭僧董喜以為得志也明日姑 夕皆僵立尸坐岩被拘縛口禁不能

礟定四庫全書

人

卷一百十五

欠三日尾 一 無敢以非正之意戲侮者咸通初謂則照白鶴觀道 言姑去數里僧乃如故來往江表吳人見之四十餘年 亦得道故我為福所及亦延年長生耳以此詳之即實 陶黃雲曰我先君仕於北齊以方術聞名陰功及物今 之才之女也 仙姑者長沙人也入道居衡山年八十餘容色甚少 一顏色如舊其行若飛所至之處畏而敬之若神明矣 緱仙姑 雲後七歳 ナミ

於嶽之下魏夫人仙壇精修香火十餘年孑然無侶壇 金月口屋有書 宜勉於修勵也每有人遊山必青鳥豫説其姓字及其 飛來所居自語曰我南嶽夫人使也以姑修道精苦獨 棲窮林命我為伴耳他日又言西王母姓猴乃姑之聖 祖也聞姑修道勤至將有真官降而授道但時未至耳 其間曾無所畏数年後有一青鳥形如鳩鴿紅頂長尾 側多虎狼常人遊者須結侶執兵器方敢入仏姑深隐 一皆驗又日河南縣氏王母修道之處故鄉之 卷一百十五

其惡免為虎害夫人仙壇嚴然無損姑亦無恙藏餘青 有至遠村者乃見九僧為虎噬殺一僧推壇之時不同 室姑在牀上而僧不見既出門即推壞仙壇轟然有聲 餘其下宛然浮寄他石之上或一人以手推之則揺 其夕果十餘僧來魏夫人仙壇乃是一片白石方可文 こ、こ 山震谷裂謂已賴墜矣而終不能動僧相率奔去及明 多則此然而住是夜羣僧持火仗刃將害仙姑入其 日青鳥飛來日今夕有暴客無害勿以為怖 大きしん

到灾匹库全書 力耳 鳥語姑遷居他所因徙居湖南鳥亦隨之而往人未當 廣陵茶姥者不知姓氏鄉里常如七十歲人而輕健有 會其語相國文昭鄭公畋自承古學士左遷梧州牧師 百餘年顏狀不改每持一 吾將卜隐九疑矣一旦遂去 事於姑姑謂文昭公曰此後四海多難人間不可父居 聰目明頭髮髮黑晉元南渡之 廣陵茶姥 卷一百十五 一器茗往市衛之市 人後者舊相傅見之

	 	 	 	_
雲笈七籖卷一百十五				金灰四厚全書
卷一百				
十五				卷一百十五
				十五
,				

欠己可臣 至 交趾維舟岸側適村人享神簫鼓喧奏舟人水工至 于 道者也有元徹柳實二人同志訪道於衛山結廬棲遁 歲餘相與適南至廣州合浦縣登舟將越海而濟南抵 南溟夫人者居南海之中不知品秩之等降益神仙得 欽定四庫全書 雲笈七籖卷一百十六 傳 南溟夫人 雲笈七藏 張君房

正分世月人 漫三四里中有大蓮花髙百餘尺葉葉旋舒內有帳幄 出於波中若有所察良久而沒俄爾紫雲湧於海面瀰 內前有金爐香爐而竟無人二子周覽恨望見一巨獸 海莫知所之幾覆沒者二三矣忽泊一孤島風浪亦定 僕使皆往觀馬唯二子在舟中俄爾颶風斷纜漂升 尊像前炷香未已二子哀叩之以求教拔願示歸路侍 綺繡錯雜虹橋潤數十尺直抵島上有侍女捧香於天 二子登岸極目於島上見白王天尊像瑩然在石室之 卷一百

次已口巨 ATT 有道無無憂歸路也合有靈藥相贈子分未合當自有 樂項之進饌尊師曰二客求人間饌以享之饌畢尊師 首以漂汎之由述其姓字夫人命坐尊師亦至環坐奏 與王虚等師會子可求而請之也侍女未去有一道士 以丹篆一卷授夫人夫人拜受訖尊師告去謂二子 曰 認南溟夫人也二子受教隨侍女登橋至帳前再拜稽 乗彩雲白鹿而至二子哀泣以告之道士曰可隨此女 女訝曰何遽至此耶以事白之侍女曰少頃南溟夫人 雲笈七載

獸之由答曰為不知二客故也使者謂二客曰我不當 清道不謹法當顕戮今已行刑遂趨而没夫人即命 一師者不當為子之師也他日相見矣二子 拜辭尊師 向之巨獸已身首異處浮於波問二子問所送使者 異花二子花問窥見十虬萬龍互相繳結而為橋矣見 鹿而去頃有武夫長十餘丈金甲執劒進日奉使天吴 可叩此壺也遂辭夫人登橋而去橋長且廣欄干上皆 女示二子歸路曰從百花橋去贈以王壺曰前程有事

金月口月

イーー

N.

卷一百

與子所弄玉環與之而為使者隱却頗以為恨望二客 云子自有師誰也曰南嶽太極先生耳自當遇之須史 子亦當有答慎勿開啓二子受而懷之又問玉虚尊師 持此合子於迴應拳廟中投之若得玉環為送嶽廟吾 與番禺少年情好之餘生一子三歲合棄之夫人令與 之中有物隱隱然若蜘蛛形謂二子曰我輩水仙也頃 していり ラーントラ 南嶽郎君為子矣中問迴鴈奉使者有事于水府吾寄 雲笈七蔵

為使送子盖有深意欲奉託也衣帶問解琥珀合子與

一喷電折木發屋霹靂一聲 廟宇立碎戰慄之際空中有 蘇投合子於迴為 奉廟瞬息之間有黑龍長數大激風 矣於是將還衡山中途餒甚武叩玉壺則珍味至二子 橋盡與使者相別已達合浦之岸問其時代已十二年 年矣自此二子益有厭俗之志無復名官之心乃登衡 人以玉環授之二子得環送於嶽廟及歸有黃衣少年 食不復餓渴及還妻已謝世家人口郎君溺海十餘 二金合以酬二子曰南嶽郎君持此還魂膏以報君

一分 口唇 全書

卷一百十六

善再見遂以王壺獻之二子隨太極先生入朱陵官祝 使二子遂以膏塗活其妻後因大雪見一樵叟負重凌 寒二子哀其老以酒飲之忽見其檐上有太極字遂禮 融本歷遊諸仙府與妻供得昇天之道 子耳因見王壺曰此吾貯王液之壺亡來数十甲子甚 而為師曰吾得神仙之道列名太極矣太上粉我來度 邊洞玄

也家有斃者雖一甲子猶可塗頂而活既受之而失其

每霜雪凝冱鳥雀饑棲必求米穀粒食以散餵之歲月 孝未許之也既笄誓以不嫁奉養甘旨數年丁父母憂 白其父母願得入道修身絕粒養氣父母憐其仁慈且 既深鳥雀望而識之或飛鳴前導或翔舞後隨年十五 物之命有危急者必俯而救之救未獲之問忘其饑渴 邊洞玄者范陽人女也幻而高潔敏慧仁慈好善見微 毀曆不食幾至減性服闋請郡中女官請為道士終鮮 兄弟又無近親性巧慧能機杼衆女官憐而敬之紡織

一欽定四庫全書 一

卷一百十六

鼠害於物人皆傳之以為陰德及物之應也性亦好服 |色一觀之内女官之家機織為務自洞玄居後未當有 宣非永夜凌晨有饑渴之念耶笑而不答然母朝於後 多貯五穀之類人或問之既不食累年而貯米多何 庭散米穀以餉禽鳥於宇內以餉鼠積歲如之曾無怠 餌或有投以丹藥授以九散必於天尊堂中焚香供養 一而後服之往往為藥所苦嘔逆吐痢至於疲劇亦無

勤勤晝夜不懈每有所得市胡麻茯苓人參香火之外

步個樓聲總出口聚笑謂之曰既還丹可致不死長生 寧揮除而至信之心確不移也茍遇歳饑分所貯米麥 因問之所賣者何藥也叟曰大還丹餌服之者長生神 以濟於人者亦多矣一旦有老叟負布囊入觀賣樂眾 所怨嘆疾纔已則吞服如常其同道惜之委曲指喻 昇天何憔悴岩此而不自恤邪叟曰吾此丹初熟合度 仙白日昇天聞之皆以為笑叟面目點黑形容枯稿行 人立功度人未滿求仙者難得吾不能自服便飛昇冲

||欽定四庫全書

卷一百十六

所誘名利所感奢華所亂是非所牵初心不變如金如 有心何言求仙者難得也叟曰人皆有心好道而不能 天子富有四海有金丹之藥何不獻之今得長生永壽 石者難也百千萬人無一人矣何謂好道也問日貴為 修行能好道復能修行精神不退勤久其事不被聲色 天耳眾問日舉世之人皆願長生不死延年益壽人 也叟曰天上大聖真人高真上仙與北斗七元君輪降

欠已日本人品

人間以為天子期滿之日歸昇上天何暇服丹而得道

雲笈七籤

官真人耳問答之敬事異於人發言如流人不可測遂 院以示之叟入院不扣問徑至洞玄之前曰此有還丹 巡暴風雷雨遞相顧視驚悸異常聚人稍稍散去叟問 此錢何以致藥耶叟曰勿憂子自勿及今四十年矣三 叟曰所直不多五十萬金耳洞玄曰此窮窘多年殊無 大樂遠來相救能服之邪洞玄驚喜延坐問藥須幾錢 也又問曰既盡知之今天子是何仙也曰朱陽太一南 曰此有女道士好行陰德絕粒多年者何在因指其

金分四月全世

卷一百十六

囊示之樂九青黑色大如梧桐子者二三斗令於樂囊 換血之事即宜處臺閣之上接真會仙勿復居臭濁之 之至誠感激太上有命使我召汝既服二樂無復易勝 之易腸換血十五日後方得昇天此乃中品之藥也又 中自探之洞玄以意於樂囊中取得三九叟曰此丹服 次已日奉在与 於衣裾內解一合子大如錢出少許藥如桃膠狀亦似 桃香叟自於井中汲水調此桃膠令吞凡樂叟喜曰汝 十年積聚五穀的飼禽蟲以此計之不啻藥價也即開 雲笈七鐵

金男中居人 雲散漫一郡之内觀者如堵太守僚吏遠近之人皆禮 居此願登於門樓之上顧盼之際樓猶為銀洞玄告人 之人有知者亦先馳往觀之於是洞玄告人曰我不欲 以告之或強其怪誕或數其遭遇相顧驚駭由是郡衆 露叟不知所之眾女官奔詣洞玄之房問其得藥否具 室七日即可以界天當有天衣天樂自來迎矣須臾雨 **謁馬洞玄告衆曰中元日早心昇天可來相別也衆乃** 曰我不於此語猶未終已騰身在樓上矣異香流溢竒 巷 百百 十六

問所部奏丞亦驛騎馳至與此符合粉其觀為登仙觀 女也今日得道昇天來以辭陛下言記冉冉而去乃詔 觀樓聚人見洞玄异天音樂導從幡在羅列直南而去 樓曰紫雲樓以旌其事是歲皇妹王真公主咸請入道 唐明皇居便殿忽聞異香紛郁紫炁充庭有青童四人 午時雲物方散矣太守衆官具以奏聞是日辰已間大 **欠已日年 15** |女道||士年可十六七進日妾是幽州女道士邊 雲笈七識

致齊大會七月十五日辰時天樂滿空紫雲翁鬱紫繞

金河口尼石電 粉校書郎王端敬之為碑以紀其神仙之盛事 進其封邑及實封由是上好神仙之事彌更勤篤馬仍 净家貧無香取有葉栢子焚之每凝然静坐無所營為 黄觀福者雅州百大縣民之女也自幼不食革血好清 極有異物常時多與父母說奇事先兆往往信驗聞 經日不以為倦或食栢葉飲水自給不嗜五穀父母憐 聽其率性任意既并欲嫁之忽謂父母曰門首水中 黄觀福 卷一百十 歌起四事全事 至憂念也同來三人一是王皇侍女一是大帝侍晨女 與女無異水即澄清如舊無復他物便以未像置於路 出父母榜聽得一本像天尊古昔所製金彩已駁狀貌 仙樂導衛甚多與女件三人下其庭中謂父母曰女本 固以為然隨往看水果沟湧不息乃自投水中良久不 側號泣驚異而歸其母時來視之憶念不已忽有彩雲 一是上清侍女我姓黄名觀福此去不復來矣今年此地 ·清仙人也有小過謫在人間年限既畢復歸上天無 雲及七載

佛也 茶園在陽平化仙居山內每歲召採茶人力百餘輩男 黎民雅地尤甚十丧三四即麟德年也今俗呼為黄冠 留金數餅昇天而去父母如其言移家蜀郡其歲寝毒 疾疫死者甚多以金遺父母使移家益州以避凶歳即 益以不識天尊像仍是相傳語訛以黃觀福為黃冠 -治謫仏妻不知其名九隴居人張守珪家甚富有 陽平治 卷一百十六

此因與隣婦十数人於堋口市相遇為買酒一盜與家 歸後或有所要但令叩樹取之無不得者其夫術亦如 |買耳取錢出門十数步置錢樹下以杖叩樹得鹽酪而 性甚了慧勤愿守珪憐之以為義兒又一女年二十餘 たこううとこう 婦飲之皆醉而盌中酒不減遠近傳說人皆異之守珪 山水汎溢市井路絕鹽酪既闕守珪甚憂新婦曰此可 亦無親族願為義兒之婦孝義端恪守珪甚善之一旦 女傭工者雜之園中有一少年賃為摘茶自言無親族 雲复七武

請問其術受於何人少年曰我陽平洞中仙人耳因有 與世間無異其中皆有仙王仙卿仙官輔相佐之如世 闕相類否答曰二十四化各有一大洞或方千里五 鼰其所理善惡人世死生興廢水旱風雨預關於洞 以為民展每年三元大節諸天各有上真下遊洞天 小過謫於人間不久當去守珪曰洞府大小與人間城 三百里其中皆有日月飛精謂之伏神之根下照洞中 |職司有得道之人及積功遷神反生之者皆居其中

金好四月全書

卷一百十六

とこうりにいう 貢於京師眉娘幼而慧悟能以一絲析為三縷染綵於掌 神 聚落耳不可一 長且緑因以為名永貞元年南海太守以其竒功而神異 馬其龍神祠廟血食之司皆為洞府所統也二十四化 十大洞天三十六小洞天之數洞之仙曹如人間郡縣)外其青城峨帽益登慈母繁陽幡家皆亦有洞不在 姑者盧眉娘是也後魏北祖帝師盧景祚之後生而眉 神姑 詳記之也旬日之間忽夫婦俱去 雲笈七籤

中結為傘盖五重其中有十洲三島天人玉女臺殿麟鳳 腕久之不願在宫掖乃度為女道士放歸南海賜號曰道 之像而外列執幢棒節仙童不啻千數其潤一大秤之無 送數年不食常有神人降會一旦羽化香氣滿室将葬學 妙二宫内謂之神姑入内時方年十四每日但食胡麻飯 三數兩自煎靈香膏傅之則虬硬不斷順宗皇帝歎其巧 三二合至元和中憲宗皇帝嘉其聰慧因賜金鳳環以東其 棺覺輕徹其盖唯舊履而已往往人見乘紫雲於海上

一動分世月子書

常矣月餘諸女夜會其家竟夕言笑達曉方散或攜奇果或 戲久之散去他日復見如初自是每到田中的飯即聚戲為 而奉仙年十三四因田中的飯忽見少年女十餘人與之嬉 其言笑疑馬伺而察之復無所見又疑妖魅所感詰之甚切 設珍饌非世所有其房宇湫陋來眾雖多不以為窄父母聞 王奉仙者宣州當塗縣民家之女也家貧父母以紡績自給 浮李象先作盧逍遥傳蘇鶚載其事於杜陽編中馬 王奉仙 雲笈七籤

遠遊凌空泛逝不到至暮乃返仍不飲不食日加殊異 必託他詞以對自是諸女不復夜降常畫日往來或引其 陵令狐公鄉鎮維楊延請供養聲溢江表其後秦彦請 肌膚豐瑩潔若氷雪螓首蠐領皓質明眸貌若天人智辯 其故遂以所遇之事言之父母竟未諭其本末諸女剪奉 仙之髮前露眉後垂至肩自此數年髮竟不長不食歲餘 日將夕母氏見其自庭際竹抄墜身於地母益為憂懇問 明悟江左之人謂之觀音馬咸通末相國杜公審權鎮金

卷一百十六

次足口事人事 一 修養不拘閉於後庭者亦是真仙冥祐斷髮齊領之 擎子香捧燭施寶投金置然經年莫知窟免而今日遂 歲杜公搜於遂茅之下欲貢於宫掖之內適以斷髮免 道也所得者仙也強俗之徒加我以觀音之號耳然項 為邪詣而問之奉仙欣然加敬話道累日主父問所論 未 容歸侍膝下遂虐留寺中問巷不知騰口虛譽至有 留於江都展師敬之禮高士主父懷呆正直倜儻疑以 理頗合立要何復有觀音之目耶奉仙曰其所遇者 雲笈七錢 き

事隨其所行逍遥迅速不知其後所到天宫仙闕金樓 體真者不以名為累也故亦不鄙人爾耳其所見之女 效也得不自以為慰喜即且名之與道兩者無滞莊生 年可十八九容貌異常著雲霞錦繡大袖之衣執持者 仙花靈草吟詠者仙經洞童所話乃神仙長生度世之 云人以我為牛而我為牛人以我為馬而我為馬忘形 王堂修廊廣庭芝田雲圃神禽天獸珍木靈芳非世間 **想過星漢之上不知幾千萬里朝謁天尊天尊處廣**

卷一百

だこうる こう 題有周編如世人之父也釋迎行化世上勸人止惡 誘 年矣夫天尊行化天上教人以道延人以生主宰萬物 木之果食之殺人天汝年壽特宜絕之是以不食二十 還此物左右以王漿一盃見賜飲畢戒曰百穀之實草 殿之中羽衛森列告奉仙曰汝寄生人世五十年後當 父兄之尊故庸常之徒知道者稀尊儒者寡不足怪 人求福如世人之母也仲尼儒典行於人間示以五常 以百行如世人之兄也世之嬰兒但識其母不知有 1 軽災し銭 十四

空變化莫測亦有龍麟鸞鶴之騎羽幢虹節之仗如 金厅四库全書! 之言修身密行之要故遠近瞻敬凡金寶貨委之於前 處觀者雲集其警俗也常以忠孝貞正之道清淨儉約 則金翹翠暫或三髮雙角手執王笏項負圓光飛行来 圖繪甚多率是天人帝王道君飛仙之狀亦無僧佛之 間帝王耳了不見有菩薩佛僧之像也因出其所供養 且所見天上之人男子則雲冠羽服或非髻青襟女子 容馬自咸通迄光啟四十年間遊淮浙之宛陵所至之 卷一百十六

てこうこ 言矣况其不食三十年童顏雪肌常若處子非金丹玉 液之效豈能與於此哉又往往神遊天界端坐逾月或 師鐸欲以不正逼之白刃臂之及覩其神貌不覺折腰 所施億萬皆棄之去而未苦顧也雖三淮沸浪四野騰 初遷餘杭界千項山山下之人為棣華宇以居之歳餘 屈膝伸弟子之禮後與二女弟俱入道居洞庭山光啟 無疾而化年四十八有雲鶴異香之瑞果符五十年之 烟棲止自若曾不為患其有擁衆威悍如孫儒趙宏畢 軽きと 或 五

遍 薛氏者河中少尹馮徽之妻也道號立同適馮徽二 「察地府冥關之事坐見八極多與有道者言之世 月照其庭無香風颯然時當初秋殘暑方甚而清凉 知以為坐忘耳乃南極元君及東陵聖母之儔侶者 又十三年夜有青衣王女二人降其室內將至有光 乃言素志託疾獨處誓焚香念道持黃庭經日三 薛玄同 卷一百十六 兩兩

多 定 庫全書 □

次已の百合 奏簡在紫虚之府况聞女子立志元君尤嘉其用心即 蒙長生心冥真道者必降而教之玄同善功為地司累 籍命諸真大仙於四海之外六合之内名山大川有志 虚爽颯若洞中二女告曰紫虚元君主領南方下教之 降於其室玄同拜迎於門元君憩坐良久示以黄庭填 神存修之旨賜九華之丹一粒使八年後吞之當遣王 日將親降於此如是凡五夕焚香嚴盛以候元君咸通 十五年甲午七月十四日元君與侍女羣真二十七人

親愚嫉之懷常如毀笑每獲東陵之疑矣泊廣明庚子 常州晉陵存注不報益用處恭中和元年十月舟行至 之歲大冠犯闕衣纓奔竄所在偷安馬與玄同寓跡於 奏於其室馮徽亦不知也微以玄同別室修道邈不可 丘片にだ 有朱紫官吏及戈甲武士立而序列若候玄同舟楫之 直演口欲抵别墅親隣女伴數人來流之際忽見河濵 往往不食雖真仙降時光景燭空靈風異香雲璈釣樂 女楓車迎汝於萬獻矣言記散去玄同自是冥心靜神 A TITLE 卷一百 ナバ

飲定四車全書 -氣沐浴之際玄髮重生立長數尺十五日夜雲彩滿室 形質柔媛狀若生人額中灵然白光一點良久化為紫 莫究其由明年壬寅二月玄同沐浴餌紫虚所賜之丹 春中私第去無速也其官吏遂各散去而同升者雖見 至也四境多虞所在冠盗舟人見之驚駭不進玄同曰 無懼也即移舟及之官吏皆拜玄同指揮曰未也猶在 一仙女家降其室促嵩高之行是月十四日示以有疾 夕終於私第有仙鶴三十六隻翔集室宇之上女同 雲笈七載 + ×

素履聖世無為之化窮玄元守一之規不然者安得方 日伏聞趙夫人登遐之日王貌如生陶先生厭世之時 **食而已異香雲鶴淡旬不去浙西節度使相國周寶奏** 忽聞雷電震露之聲棺益飛起在庭中失尸所在空衣 採與肯女子鉛華之事不撓冲襟非絕粒如芝守真見 以馮徽妻薛氏早拋塵俗久息玄門神仙秘象之書能 異香不絕同其羽化録在仙經豈謂明時復觀斯事伏 念鼓盆靈禽疊降正悲鸞鏡玄髮重生雷電顯祥雲霞

てこうし 處修金蘇道場以答上玄用伸處感者時駐蹕成都之 國朝宜付史官編於簡冊仍委本道以上供錢於其住 戰越喜賀之至是歲二月十五日奏於成都行在豹曰 表異天逈而但聞絲竹棺空而唯有衣食詢來暫住 乃國朝之盛事臣忝分優寄轍具奏聞干胃天廷無任 殊祥同魏氏之登仙比花姑之降世光乎那縣煩我 仙去却歸天上事傳千古美稱一時雖屬郡之休禎 **大法道著在仙經上德勤修玄功是致覽兹申奏頗** 11: 転交七数

三年也 雲笈七籖卷一百十六